

CHINESE - JAPANESE LIBRARY OF
HARVARD - YENCHING INSTITUTE
47 HARVARD UNIVERSITY
APR 29 1940

T 3148/0.82

25

山西通志卷第五十四

山西巡撫都察院右副都御史臣覺羅石麟奉

旨修輯

武事五

遼州

唐光啓三年昭義節度使孟方立督部將奚忠信兵三萬攻

遼州以金啖赫連鐸與連和會契丹攻鐸師失期忠信三

分其兵鼓而行河東節度使李克用伏兵於險忠信前軍

沒旣戰大敗執忠信餘衆脫歸者纔十二人文德元年昭

義節度使孟方立乞兵於王鎔以攻晉鎔許之方立乃遣

其將奚忠信攻晉遼州而鎔以他故不能出兵兵旣失約

忠信大敗晉兵遂乘勝攻邢州光化二年汴氏叔琮襲破

哈佛大學漢和
圖書館珍藏印

遼州天復元年四月遼州守將張鄂降汴 周世宗初并
 人侵潞命澶州節度使郭崇與符彥卿出固鎮以禦之
 北漢天會三年六月周昭義節度使李筠陷遼州獲刺史
 張丕 宋建隆二年北漢天會五年也冬昭義節度使李
 繼勳敗并軍千餘人斬首百餘級獲其遼州刺史傅延彥
 及弟延勳來獻 北漢天會八年宋遣曹彬李繼勳及兵
 馬鈴轄康延沼馬步軍都軍頭尹訓攻遼石二州北漢遣
 郝貴超往援戰於遼州城下北漢兵大敗遼州刺史杜延
 韜與拱衛都指揮使黃進兵馬都監侯美籍部兵三千人
 舉城降宋宋命降卒以效順懷恩為名至九年十二月復
 取宋遼州 宋史遼州降在乾德二年較十國紀年後一歲 金攻太原取平定樂平
 復招降遼州及榆社遼山和順諸縣 元太祖乙酉歲肖

乃台自正定整兵前進下太原略太行拔長勝寨斬武仙
 守將盧治中圍仙於雙門寨仙遁去至正十八年五月關
 先生破頭潘等陷遼州虎林赤擊走之關先生等遂陷冀
 寧路二十一年察罕帖木兒謀知山東羣賊自相攻擊乃
 自陝抵洛大會諸將發并州軍出井陘遼沁軍出邯鄲澤
 潞軍出磁州 明正德六年七月流賊陷城嘉靖四十一
 年饑賊牛大等蜂起知州朱被劫一日釋之崇禎五年流
 賊一隻虎李過陷城 武鄉志四年十月二十九日 紫金梁陷遼州六年
 春總兵尤世祿與援勦山西守備賀人龍復遼州
 國朝順治六年賊侯和尚等七攻城巡道畢拱辰嘗置火具
 州民堅守數月不下
 和順縣

元太祖八年秋分兵三道命皇子木赤察合台窩濶吉爲右軍循太行而南掠澤潞遼沁平陽太原吉際拔汾石嵐忻代武等州而還至正十八年五月庚子賊兵踰太行察罕帖木兒部將關保擊敗之 明崇禎六年六月流賊陷城九年三月丙午復陷城

榆社縣

唐昭義將李丕降請取榆社東經武安入討劉稹雖邢洺未下而兵不得救潞不聽討劉稹詔河東節度使劉沔南屯榆社沔素與張仲武不協時方追幽州兵徙沔義成河東行營兵馬使王逢奏乞益榆社兵詔河東以兵二千赴之李石召橫水戍卒千五百人使楊弁將之詣逢四年正月楊弁作亂石奔汾州會昌四年正月辛卯詔王逢悉留

太原兵守榆社以易定千騎宣武兗海兵二千討楊弁又詔王元逵以步騎五千自土門入應接逢軍 河東兵戍榆社者聞朝廷令易定汴兗兵取太原恐妻孥爲所屠滅乃擁監軍呂義忠自取太原擒楊弁盡誅亂卒 元關虎勲德碑夏五月盜拔遼州據榆社副河東宣閩關保招討萬戶虎林赤二公抵城破殺乘勝大震寇夜遁追戮幾盡遂謂太行多阨若分兵阻遏盜必不入功收萬全列守諸口咸獲其利 明崇禎六年二月都督同知曹文詔敗賊於榆社時文詔屢捷張應昌逗遛不進紫金梁老回回從榆次敗北奔

沁州

漢將軍周勃轉攻韓王信軍銅鞮破之 晉王李克用遣昭

義軍留後李克恭選精兵五百送晉陽遣侯霸部送至銅鞮霸與牙將康居受劫衆反克恭自焚霸叛附朱全忠昭義軍節度使李克恭選後院勁兵五百人獻於晉王李克用行至銅鞮其將馮霸以其徒叛晉王遣李元審討之戰於沁水元審大敗被傷奔入潞州 宋建隆元年北漢天會四年也李筠以上黨拒命囚監軍周光遜等送於劉鈞稱臣求援鈞自至太平驛與筠會遣其宣徽使盧贇將騎數千隨筠入寇又遣其河陽節度范守圖援之及太祖親討前軍石守信高懷德破筠衆於澤州獲守圖殺鈞兵數千鈞之沙谷砦又爲折德辰所破斬五百級九月昭義李繼勳率師入平遙虜獲甚衆二年冬繼勳又敗鈞兵斬百餘級獲其遼州刺史傅廷彥弟勳三年二月鈞侵晉潞

二州守將擊走之三月詔河東降人徙家於邢洛計口給粟四月太原民四百七十人降七月鈞捉生指揮使路貴等十一人降四年八月邢州王全贇率師攻樂平鈞拱衛指揮使王超散指揮使元威侯霸榮率所部千八百人降未幾鈞侍衛都指揮使蔚進馬軍都指揮使郝貴超與遼悉兵來救樂平三戰皆敗之遂下其城詔建爲平晉軍以降兵爲效順軍靜陽十八砦遂相率來降九月鈞復引遼攻平晉軍遣洛州防禦使郭進濮州防禦使張彥進客省使曹彬趙州刺史陳萬通將步騎萬餘救之未至而鈞遁去乾德二年二月李繼勳與兵馬鈐轄康延沼馬步軍都軍頭尹訓率兵攻遼州鈞遣郝貴超來援戰於城下大敗刺史杜延韜危感與拱衛都指揮使冀進兵馬都監侯美

籍部兵三千降賜延韜等襲衣銀帶器幣鞍勒馬其降兵以效順懷恩爲名是月府州擒鈞衛州刺史楊璘又鈞耀州團練使周審玉等四人降四月遣馬軍都校劉光將兵戍潞五年三月鈞招收指揮使閻章以石盆砦降鎮州四月招收指揮使樊暉殺監軍成昭以鴻唐砦降鎮州六年正月偏城砦招收指揮使任恩等百五十人降晉州三月鎮州守將攻破鈞馬鞍山砦七月鈞烏玉砦主胡遇等百三十九人降鎮州 乾德六年北漢廣運元年也八月詔伐劉繼元以內客省使盧懷忠等二十一人將禁兵赴潞州昭義節度李繼勳爲行營前軍都部署侍衛步軍都指揮使党進副之宣徽南院使曹彬爲都監棣州防禦使何繼筠爲前鋒部署懷州防禦使康延沼爲都監建雄軍節

度趙贊爲汾州路部署絳州防禦使司超副之隰州刺史李謙溥爲都監九月繼勳敗繼元軍於洞渦河其左勝軍使李瓊來降開寶二年春詔李繼勳趙贊郭進司超等將兵先赴太原太祖遂親征以繼元太谷令梁文陟爲太子洗馬祁令張續爲右贊善大夫太祖將至繼勳敗繼元兵於城下其憲州推官史昭文以州來降升本州刺史乃壅汾水灌其城又遣海州刺史孫方進圍汾州繼元方恃遼援守陴者揚言旦夕遼師至四月何繼筠敗遼人於陽曲北命以所獲首級鎧甲示城下城中由是喪氣知嵐州趙文度遂來降閏五月南城爲汾水陷水注城中太祖幸長隄觀焉登望樓者見繼元殺其相郭無爲城中紛擾俄而城兵自西長連城出將焚攻戰具反爲攻兵擊走之斬萬

山西通志 卷五十四
餘級夜半傳呼壁外繼元降太祖令衛士環甲將開壁門
八作使趙璲曰受降如受敵詎可中夜輕出太祖使伺之
果謀者也太祖納李光贊言命宰相趙普撫諭諸將欲班
師禁軍校趙翰等叩頭願乘城急擊太祖曰汝曹我所訓
練無不一當百以備肘腋同休戚也我寧不取太原豈忍
驅汝曹冒鋒鏑而蹈必死之地乎士皆感泣遂班師九年
八月又遣党進潘美楊光美牛思進米文義討之時繼元
謀者趙訓爲晉州所捕械送於朝命釋之給服裝放歸又
遣郭進入忻代路郝崇信王政忠入汾州路閻彥進齊超
入沁州路孫晏宣安守忠入遼州路齊延琛穆彥璋入石
州路九月党進敗繼元兵數千獲馬千餘郭進得山北民
三萬七千餘十月遼州監押馬繼恩入并州境燔四十餘

砦獲牛羊數千郭進又破壽陽得民九千穆彥章入并州
境得民二千党進又敗繼元兵千餘於城下是月太宗卽
位召諸將還 太平興國二年北漢廣運十年也繼元胡
桃砦指揮使史溫等以其民內附太宗遂遣宣徽南院使
潘美等率諸將分兵圍汾沁嵐諸州車駕遂親征以驍將
郭進扼石嶺關斷遼援路遼師果至進擊敗之初繼元遣
子續質於遼遼師爲進所敗繼元又遣健步間道齎蠟丸
帛書求救進又得之徇於城下繼元外援不至饜道又絕
潘美等兵數十萬長圍四合自春徂夏矢石如雨晝夜不
息城中大懼會太宗至親督衛士急攻城無完堞手詔諭
繼元降守陴者不納繼元不能知太宗躬擐甲行夜至長
連城督諸將攻之控弦士數萬蹲甲交射矢集城上如蝟

毛每給矢必數百萬頃之咸盡捕得城中人云繼元以十錢構一矢凡聚百餘萬太宗笑曰此爲我畜也五月庚辰繼元宣徽使范超來降攻城者以超爲出戰擒而戮之繼元斬超妻子投其首城外壬午馬軍都指揮使郭萬超踰城降繼元帳下親信因之漸亡去城中危急太宗又自草詔諭之曰越王吳主獻地歸朝或授以大藩或列於上將臣僚子弟皆享官封繼元但速降必保終始富貴安危兩途爾宜自擇至是詔入諸將銳攻不可遏太宗麾衆少退是夕繼元遣其客省使李勲奉表請降太宗賜勲襲衣金帶銀器錦綵銀鞍勒馬復遣通事舍人薛文寶齎詔答之夜漏未盡太宗幸城北張樂晏從臣於城臺繼元率官屬縞衣紗帽待罪臺下詔釋之 金太宗時河東郡縣多叛

穀英復攻沁州飛砲擊其右脇昇歸營中諸軍復攻沁州三日不能下別將骨赧強起穀英指揮士卒遂克之興定元年九月癸巳元兵攻陷沁州元光二年前上黨公張開請升澤沁爲節鎮沁州名義勝軍置節度使 元都元帥杜豐取沁州由是銅鞮武鄉襄垣綿山沁源諸縣皆下復撫定遼沁未降山寨所至悉平庚寅國王孛魯由雲中圍絳州金將武仙退保潞東十餘里原上孛魯馳至沁南未立鼓紇石烈引兵襲其後孛魯戰失利輜重人口皆陷沒至正十七年六月關先生破頭潘馮長舅沙劉二王士誠趨晉冀十八年關先生破頭潘等又分其軍爲二一出絳州一出沁州踰太行破遼州潞州遂陷冀寧掠大同興和塞外諸郡 明崇禎五年十二月總督張宗衡巡撫許鼎臣

同逐賊臨縣賊轉入磨盤山山方六百里賊聞正虎據交城文水以窺太原邢滿川上天龍據吳城向陽以窺汾州紫金梁以秦豫毛兵俱集澤潞東南遂乘虛從沁州而北入榆次又入壽陽距太原不五十里鼎臣撤師北歸時賊首亂世王與紫金梁爭一掠婦搆小隙遣其弟混天王來歸廷議方督進討諸將諱言受降權辭謝之約得紫金梁始為請於朝混天王唯唯泣涕而去亂世王與破甲錐合謀圖紫金梁賊分為三陷霍垣曲長子諸縣壬辰陷遼州是日除夕也

沁源縣

周建德五年柱國達奚震率步騎一萬守統軍川攻克義寧烏蘇二鎮明嘉靖十三年流賊掠縣三十九年賊楊甫

聚眾作亂守禦副千戶楊復楚死焉四十一年巡撫標兵平之崇禎五年四月流寇入東關六年正月流寇大掠七年遊擊猛如虎勦沁源賊馘五條龍

武鄉縣

東觀漢記更始敗訛言隨赤眉在北行大將軍事鮑永遣弟升及子壻張舒等謀使營尉李匡先反涅城開門內兵殺其縣長馮晏立故謁者祝回為涅長魏太昌元年七月壬寅齊獻武王率眾入滏口大都督庫狄干入井陘討爾朱兆庚戌詔高隆之為北道行臺率步騎十萬趨太行會軍獻武王次於武鄉兆大掠晉陽北走秀容并州平唐會昌三年劉稹令都將康良佺守武鄉河東節度使劉沔壁榆社守昴車關詔沔自將取關以臨賊境後兵馬使王

逢擊敗良佺良佺棄石會關屯鼓腰嶺石會關復降於稹及稹勢蹙潞臬將白惟信自武鄉殺良佺降昭義節度使盧鈞 梁氏叔琮自太行入取澤潞出石會營於洞渦久之糧盡乃旋 梁兵圍太原大疫氏叔琮班師令曰病不能行者焚之病者懼皆言無恙乃以精卒爲殿而還至石會留數騎以大將旗幟立於高岡晉兵疑其有伏乃不敢追 明嘉靖二十一年七月俺荅抵城下隆慶元年九月寇至南關崇禎五年十月流賊至城下發紅夷砲四位擊之賊多斃五年九月巡撫宋統殷潛令賀人龍由介休靈石進平陽艾萬年入黃蘆嶺李甲入文峪口分道夾鬪宣大總督張宗衡怒三將從鼎臣檄之還三將莫知適從賊遂轉入磨盤山山方廣六百里賊紫金梁等以衆十餘萬

踞其中瞰秦豫兵盡聚澤潞東南乃乘虛突犯東北從沁州武鄉以陷遼州時舊帥尤世祿病宗衡強起之使率人龍輩赴援六年正月復其城四月紫金梁老回回自榆社走武鄉過天星走高澤山總兵曹文詔皆擊破之 國朝順治六年土賊多應姜逆掠貲殆罄旋卽殲滅 平定州

趙武靈王二十一年攻中山趙祒爲右軍許鈞爲左軍公子章爲中軍王并將之牛翦將車騎趙希並將胡代趙與之脛合軍曲陽攻取丹邱華陽鴟之塞王軍取鄗石邑封龍東垣中山獻四邑和王許之罷兵 後魏太安二年正月丁零數千家亡匿井陘山聚爲寇盜詔定州刺史許宗之并州刺史乞佛成龍討平之 趙郡李愨少有大志孝昌

末潛居林慮山觀候時變葛榮之亂除奉車都尉持節鎮
汁河汁河在鄴之西北重山之中并相二州交境以榮南
逼故用愍鎮之榮遣其叔樂陵王葛萇率精騎一萬擊愍
愍據險拒戰萇不得前爾朱榮至東關愍乃見榮榮欲分
賊勢遣愍別道向襄國襲賊署廣州刺史田怙愍未至襄
國已擒榮卽表分廣平易陽襄國南趙郡之中邱三縣爲
易陽郡以愍爲太守永安末假平北將軍持節當郡大都
督遷樂平太守未之郡洛京傾覆愍率所部西保石門山
潛與幽州刺史劉靈助及高昂兄弟安州刺史盧曹等同
契義舉靈助敗愍遂入石門高祖建義以書招愍愍奉書
擁衆數千人以赴高祖除相州刺史令愍率本衆西還舊
鎮愍至鄉據馬鞍山依險爲壘徵糧集兵以爲聲勢爾朱

兆出井陘高祖破兆於廣阿愍統其本衆屯故城以備兆
相州旣平命愍還鄴除西南道行臺復屯故城兆將至乃
徵愍參守鄴城 杜洛周阻兵幽定葛榮據有冀瀛爾朱
榮謂賀拔勝曰井陘險要我之東門意欲屈君鎮之乃表
勝爲鎮遠將軍別將領步騎五千鎮井陘 隋末并州人
王君廓掠邯鄲王君愕說曰井陘之險可先取君廓從其
言遂屯井陘山高祖入關君愕與君廓偕來附 唐党項
羌叛河東節度使盧鈞使判官盧簡方督兵乘邊旁河相
險集樹堡鄣自神山至鹿泉縣三百里扈遏其衝賊不得
騁候邏便之 唐至德二載史思明與蔡希德高秀巖合
兵攻太原時李光弼使部將張奉璋以兵守故關思明攻
陷之奉璋走樂平思明取攻具山東奉璋匿士廣陽改服

給爲賊使者責其後期斬數人引衆還太原 宋乾德元年北漢天會八年也八月北漢靜陽十八砦俱來降四年二月安國軍節度使羅彥瓌等敗北漢于靜陽殺千餘人擒其將鹿英獲馬三百匹 靖康後信王榛從北行至慶源亡匿正定境時馬擴與趙邦傑聚兵保五馬山砦陰迎榛歸奉之兩河遺民間風響應榛遣擴詣行在奏曰山西諸砦鄉兵約十餘萬力與賊抗但皆苦窘兼闕戎器惟望遣兵來援願委臣總大軍與諸砦鄉兵約日大舉黃潛善汪伯彥疑之密令擴幾察榛復令擴聽諸路節制擴遂留大名金人恐擴以援兵至急發兵攻諸砦斷其汲道諸砦遂陷榛亡不知所在 金崇慶二年道路梗塞左都監蒲察阿里率師繇太原至正定赴援抵中山不克進貞祐四

年七月宣撫使完顏伯嘉去太原後完顏琢寓軍平定石仁寨權平定州刺史范鐸以閻德用充本州提控德用桀驁蓄姦謀鐸不能制委曲容庇之興定二年德用率所部掩襲殺琢及官屬程桂等百餘人遂據石仁寨鐸懼挈家奔太原閻德用遂據平定州十月詔誅范鐸興定元年四月戊午平定州賊閻德用之黨閻顯殺德用以其衆降四年封武仙爲恒山公以平定州抱犢寨隸焉 元至正十年八月九月壬戌平定州陷 明崇禎六年二月巡撫許鼎臣都督同知曹文詔屯平定總兵張應昌屯汾州駐太原東西以禦寇

壽陽縣

晉代公猗盧遣子六修爲前鋒與衛雄范班箕澹等救晉并

山西通志 卷五十四
州刺史劉琨猗盧統兵爲後繼劉粲懼焚燒輜重突圍走
縱騎追之殺傷甚衆猗盧因大獵於壽陽山陳閱皮肉山
爲之盡赤 後周建德六年壽陽劉叔仁作亂上儀同三
司楊文思嘗從拔晉州命從清河公宇文神舉討之戰於
塽井在陣生擒叔仁又別從王誼破賊于鯉魚柵十二月
巳未東壽陽土人反率衆五千襲并州城刺史東平公宇
文神舉討平之 宋開寶九年十月庚子鎮州巡檢郭進
焚壽陽縣俘九千人靖康元年四月种師中復壽陽五月
辛未抵壽陽之石坑 金銀朮可圍太原宋統制劉臻救
太原率衆十萬出壽陽婁室擊破之繼敗宋兵數千於榆
次後蒲察降壽陽 元辛巳三月金兵攻壽陽縣王胡莊
垂破時太原城中卒不滿百都元帥哈喇拔都夜半引甲

騎十餘人救之道三交見金兵舉烽東西兩山哈喇拔都
趨之大戰天將明金兵遁去擣太原之虛由西門俘獲哈
喇拔都家屬哈喇拔都聞之徑趨西山復奪以還 明嘉
靖二十年八月蒙古大入屠壽陽丁數萬時有白鳥隨之
人異焉崇禎二年流寇混世王一斗穀等掠至長榆諸村
六年掠古城巡撫吳牲遣副總兵曹文詔掩擊大敗之六
年正月臨洮總兵曹文詔敗賊孟縣追及於壽陽巡撫許
鼎臣遣謀士張宰先大軍嘗賊賊驚潰六月文詔追擊之
斬混世王於碧霞村餘黨爲猛如虎逐走遇文詔兵方山
復敗又與陳國威馬杰破來遠寨從文詔大破賊范村國
威以步卒三百夜擊賊紅山嶺如虎杰及虎大威和應詔
擊殺九條龍

孟縣

周顯德元年都部署符彥卿駐忻口又下孟縣 宋太平興國四年四月庚戌孟縣降壬戌帝乃發鎮州靖康中金兵圍孟縣踰年主簿攝縣事祝公明率保甲入城堅守城陷死之 遼將劉操守孟口後成道世所傳劉海蟾也 金興定中升孟州聽絳州元帥府節制 元壬午秋七月木華黎由雲中攻下孟州四蹄寨遷其民於州拔晉陽義和寨癸未太原諸邑皆平惟石家昂及孟州陵井寨忻州清泉寨爲唇齒皆未下甲申六月將兵至陵井遣卒叩寨門詐曰納糧芻守者弗悟門啓徑入蹂踐之衆潰其酋長走石家昂遂平陵井寨乙酉二月清泉寨酋長王毅降石家昂亦降至元二十七年十月甲辰朔貊高以兵入山西定

孟州忻州下崞州

國朝順治四年九月縣賊李化龍攻南門俄見小坪嶺旗颭賊輟攻迎敵敗遁問之乃守道王鏞叅將李好賢援勦也 樂平縣

晉汲桑石勒爲苟晞所敗勒奔樂平時胡部大張匄督馮突莫等擁衆數千壁於上黨勒往從之深爲所昵因說匄督隨勒歸元海烏丸張伏利度亦有衆二千壁於樂平元海屢招而不能致勒僞得罪於元海奔伏利度結爲兄弟勒知衆心附已乃因會執伏利度率其部衆歸元海石勒敗箕澹遷陽曲樂平戶於襄國置守宰而還石勒攻樂平太守韓據請救於并州刺史劉琨琨新得代公猗盧衆三萬人馬牛羊十萬欲因其銳以威勒箕澹諫曰此雖晉人久

在荒裔未習恩信難以法御今內收餘穀外抄牛羊且閉關守險務農息士旣服化感義然後用之則功可立也琨不從悉發其衆命澹領步騎二萬爲前驅琨自爲後繼勒先據險要設伏以擊澹大敗之一軍皆沒并土震駭 劉琨遣樂平太守焦球攻石勒常山斬其太守邢泰 石勒攻樂平太守韓據於玷城劉琨遣將軍箕澹率衆十餘萬討勒琨次廣牧爲澹聲援勒將拒之或諫曰澹兵精盛其鋒不可當宜深溝高壘以挫其銳攻守勢異必獲萬全勒曰澹大衆遠來體疲力竭號令不齊可一戰而擒之何強之有寇已垂至胡可捨去大軍一動豈易中還若澹乘我之退顧乃無暇焉得深溝高壘乎此爲不戰而自滅亡之道立斬諫者以孔萇爲前軍都督令三軍後出者斬設疑

兵於山上分爲二伏勒輕騎與澹戰僞收衆而北澹縱兵追之勒前後伏發夾擊澹軍大敗獲鎧馬萬匹澹奔代郡據奔劉琨琨長史李引以并州降勒琨遂奔於段匹磾後魏泰常二年十一月司徒長孫嵩等自畔城還至樂平詔嵩遣娥清周幾等與叔孫建討西山丁零翟蜀洛支等悉滅餘黨而還高宗時丁零數千家寇竊并定都昌侯陸真與并州刺史乞伏成龍樂平東入與定州刺史許崇之併力討滅 宋建隆三年北漢天會七年也八月宋邢州王全斌攻樂平拱衛指揮使王超散指揮使元威侯霸榮率所部千八百人降之侍衛都指揮使蔚進馬軍都指揮使郝貴超與遼悉兵往救三戰皆敗績樂平遂陷宋改樂平爲平晉軍以降卒爲效順軍賜以錢帛由是靜陽十八

若相率降宋九月北漢以遼兵攻平晉軍宋洺州防禦使
充西山巡檢郭進將兵來擊遼兵遂引歸 乾德元年北
漢天會八年也節度王全斌與洺州防禦郭進等率兵入
太原境俘數千人以歸遂進克樂平乾德初初克遼州河
東召遼兵六萬騎東攻平晉左神武將軍曹彬與李繼勳
等大敗之于城下乾德三年北漢天會十年也正月節度
使羅彥瓌敗北漢兵於靜陽執守將鹿英以歸 金攻太
原蒲察取平定軍及樂平 明崇禎六年七月丙申流賊
陷城遊擊猛如虎與虎大威和應詔馬杰繇臯落山勦賊
有功

忻州

魏嘉平三年雍州刺史陳泰求救并州并力討諸葛恪司馬

景王從之未集而雁門新興二郡以爲將遠役遂驚反景
王謝朝士曰此我過也非元伯之責 後魏肅宗正光五
年八月秀容內附乞扶莫於破郡殺太守南秀容牧子萬
子乞真反叛殺太僕卿陸延并州牧子素和婆喻嶮作亂
領民酋長爾朱榮並前後討平之 爾朱榮兵威漸盛曾
經肆州刺史尉慶賓畏惡之據城不出榮恨慶賓舉兵襲
之慶賓別駕姚和內應榮遂害慶賓僚屬拘慶賓還秀容
唐垂拱二年骨咄祿入朔代以淳于處平爲陽曲道總
管將擊賊總材山至忻州與賊遇鏖戰不利死者五千人
晉開運元年正月辛丑北京留守劉知遠及契丹偉王
戰於秀容敗之十一月辛卯忻州言與契丹戰破之關南
言破契丹斬首萬餘級 周世宗至太原城下命行營都

部署符彥卿與郭從義向訓白重贊史彥超率萬騎屯忻口以拒北援又下盂縣遼人駐忻北游騎及近郊彥超以二千騎當其鋒左右馳擊彥超死之敗遼衆二千餘遼騎遁走先鋒爲遼人所掩重傷數百人遼會同七年正月丙子明王安端先入雁門圍忻代下之遼應曆時周人侵漢以南院大王撻烈都統西南道軍援之周已下太原數城漢人不敢戰及聞撻烈兵至周主遣郭從義尙鈞等率精騎拒於忻口撻烈擊敗之獲其將史彥超周軍遁歸復所陷城邑漢主詣撻烈謝宋宣和七年九月河東言金粘罕至雲中詔童貫復宣撫十二月乙丑貫至太原遁歸是月金兵陷忻代等州圍太原府元太祖十三年八月木華黎自京入河東克太原平陽及忻代澤潞汾霍等州

至正十八年六月關先生掠晉冀雁門間

定襄縣

石季龍將李歷張平高昌等並率所部稱藩於慕容儁呂護之走野王遣弟奉表謝罪於儁又上黨馮鴛自稱太守附於張平儁以平故赦其罪以爲京兆太守護之鴛亦陰通晉張平跨有新興雁門西河太原上黨上郡之地壘壁三百餘衆十餘萬戶遂拜置征鎮爲鼎峙之勢儁遣慕容評攻平慕容根攻鴛陽鶩攻昌慕容臧攻歷并州壘壁降者百餘所以悅綰爲并州刺史以撫之平所署征西諸葛驤鎮北蘇象寧東喬庶鎮南石賢等率壘壁百三十八降於儁儁大悅皆復其官爵旣而平率衆三千奔平陽鴛奔野王歷走滎陽昌奔邵陵悉降其衆明正德九年火篩寇

入嘉靖二十年俺荅入至汾沁還三十九年寇入攻破蕎麥寨四十年土賊夜藏段木山晝出擄掠兵巡道王喬年及常叅將設計誘之夜發兵擒獲四十餘人餘黨悉解散崇禎中賊高加計據岢嵐四出剽掠八年三月叅將虎大威與遊擊猛如虎追至忻代山中加計馬上舞三十斤長挺突陣大威射殺之追斬其衆五百人餘黨悉平甲申二月十七日僞官曹至五月遊兵殺僞典史解二十二日流賊急圍城午刻破殺戮不可勝計

國朝順治元年五臺賊張五桂攻城僞將柳同春據忻州兼轄定襄聞代州已歸正潰走

靜樂縣

宋靖康末太原義士張橫有衆二千往來嵐憲間紹興五年

九月敗金人於憲州後卒陷於金 金平汴諸將西趣陝津略定河東郡縣突合速取憲州遇其援軍擊敗之生擒其將孛董濃瑰朮魯等 明洪武初元四大王結寨於靜樂岢嵐山中三年又寇武州嘉靖十五年十月俺荅由巖頭溝至寧化三馬營三十四年馬邑生員張蕙自北界歸言邱富日夜導俺荅靜樂縣妖人盧山佛等許爲內應總督許論上其事以蕙爲所鎮撫

國朝順治六年三月姜建勲由靜樂西山下取汾州交山土寇無事爲民有事爲賊丁丑夏擾靜樂疆西遷永寧界骨集山蹂躪寧鄉臨縣巡撫倭親率兵半勦半撫賊乃散

代州

漢高帝六年寇由雁門圍韓王信於太原景帝中六年入至

武泉吏卒戰死者二千餘人後二年入寇太守馮敬戰死
發車騎材官屯元光元年十一月車騎將軍程不識屯雁
門五年正月治雁門險阻以止寇之驅役丁男萬餘元朔
元年秋車騎將軍衛青出雁門李息出代天漢三年秋寇
入雁門太守坐畏懦誅四年正月因杆將軍公孫敖萬騎
步兵三萬人出雁門與左賢王戰不利引還 偽新初始
元年六月代郡兵起 漢建武五年十二月盧芳入掠雁
門諸城下之置守令七年遣驃騎將軍杜茂墾晉陽廣武
間田以驢牛轉運邊土稍給十二年又遣謁者段忠將諸
郡弛刑配茂營增屯永平五年十二月寇自雲中至原陽
永初三年九月烏桓居雁門者率衆王無何允與南匈奴
鮮卑合兵寇五原遼東太守耿夔將遼東鮮卑及諸郡兵

與車騎將軍何熙共討之永壽二年鮮卑檀石槐入雁門
殺數百人大抄掠而去延熹二年春二月鮮卑寇雁門熹
平六年南單于與中郎將臧旻出雁門擊鮮卑檀石槐大
敗而還 蜀漢章武二年鮮卑大人步度根與軻比能有
隙將其衆萬餘入魏塞保雁門建興三年魏牽招爲雁門
太守教民戰陣表復郡中烏桓五百餘家租調使爲偵候
鮮卑每犯塞輒摧破之十一年十月鮮卑步度根入寇
武魏驍騎將軍秦朗擊敗之乃詣并州降 晉代公猗盧
三年白部大人叛入西河鐵弗劉虎舉衆於雁門以應之
攻晉新興雁門二郡并州刺史劉琨來乞師猗盧使弟子
鬱律將騎二萬助琨擊之大破白部次攻劉虎屠其營虎
收餘燼西渡河 梁承聖三年五月柔然入寇魏柱國趙

貴擊破之 北齊天保五年四月柔然攻肆州齊主追至
恒州敗之 隋仁壽四年八月漢王將喬鍾葵圍代州詔
朔州總管楊義臣救之義臣率馬步二萬夜出西陁遲明
行數十里鍾葵覘見義臣兵少悉衆拒之鍾葵亞將王拔
驍勇善用稍射之者不能中每以數騎陷陣義臣募能當
拔者車騎將軍楊思恩請當之義臣見思恩氣貌雄勇顧
之曰壯士也賜以卮酒思恩望見拔立陣後投觴於地策
馬赴之不克義臣復選騎士十餘人從之思恩遂突擊殺
數人直至拔麾下短兵方接所從騎士退思恩爲拔所殺
拔遂乘之義臣軍北者十餘里於是搆得思恩屍義臣哭
之甚慟三軍莫不下泣所從騎士皆腰斬義臣自以兵少
悉取軍中牛驢得數千頭復令兵數百人持一鼓潛驅之

澗谷間出其不意晡後鐘與葵軍戰兵初合命驅牛驢者
疾進一時鳴鼓塵埃漲天鍾葵軍不知以爲伏兵發因而
大潰縱擊破之仁壽末漢王諒起兵并州代州總管李景
發兵拒之諒遣劉嵩襲景戰於城東升樓射之無不應弦
而倒選壯士擊之斬獲略盡諒復遣嵐州刺史喬鍾葵率
勁卒三萬攻之景戰士不過數千加以城池不固爲賊衝
擊崩毀相繼景且戰且築士卒皆殊死鬪屢挫賊鋒司馬
馮孝慈司法參軍呂玉並驍勇善戰儀同三司侯莫陳乂
多謀畫工拒守之術景知將士可用其後推誠於此三人
無所關預在閣持重時出撫循而已月餘朔州總管楊義
臣以兵來援合擊大破之大業十三年郡丞陳孝意與虎
賁郎將王智辨討劉武周戰於下館敗績退保雁門武周

百計攻之城中食盡校尉張倫殺孝意城遂陷 唐武德
二年四月劉武周入雁門至雀鼠谷栢壁 唐初苑君璋
統劉武周部曲與高滿政夜襲代州不克又寇代州刺史
王孝德設拒却之四年頡利率萬騎與苑君璋合寇雁門
定襄王李大恩擊却之又寇代州敗行軍總管永安王孝
基略河東郡頡利率十五萬騎入雁門圍并州深鈔汾潞
取男女五千秦王出蒲州邀擊之李子和以兵趨雲中掩
可汗後段德操出夏州阻其歸并州總管襄邑王神符戰
汾東斬級五百取馬二千汾州刺史蕭顛獻俘五千頡利
聞秦王且至引出塞五年八月頡利將十五萬騎入雁門
寇并州詔太子建成秦王世民禦之時帝與羣臣議和戰
孰利鄭元璿曰戰則禍深不若和利封德彝曰不戰而和

示之以弱後當復來不若擊之擊之而勝則和可久矣從
之後唐兵屢勝頡利結好歸 後晉開運元年正月契丹
入雁門攻代州九月代州刺史白文珂及契丹戰於七里
烽敗之 後晉天福十二年二月武節都指揮使史弘肇
取代州殺其刺史王暉 宋太平興國五年遼乾亨二年
也三月代州言宣徽南院使潘美大敗遼衆於雁門殺其
駙馬侍中蕭咄李獲都指揮使李重誨七年五月三交行
營言潘美敗遼師於雁門破其壘三十六雍熙三年遼統
和四年也正月雲應朔都部署潘美雲州觀察使楊業出
塞五月潘美師還雲朔諸州吏民內徙 宋平河東命曹
光實爲汾遼石沁等州都巡檢使大軍北征與潘美分道
出雁門光實爲前鋒遇敵迎戰敗之斬首數千級 金大

山西通志 卷五十四
安三年元兵至忻代貞祐四年正月壬申太原元帥監軍
烏古論德升招其民降北者得四千三百三十餘人三月
金徙武朔吏民於嵐石九月元攻代州經略使與屯醜和
尙戰沒十二月壬申元兵進自代州神仙橫城及平定承
天鎮諸隘攻太原府宣撫使烏古論禮遣人間道齎書
至汴告急詔發潞州元帥府平陽河中絳孟宣撫司兵援
之興定元年二月己未元兵徇忻代 元天曆元年雁門
崞縣及武嵐州大澗諸處皆穿塹壘石至正十八年二月
田豐掠雁門十九年二月孛羅帖木兒過代州收山東潰
將孟本州諸軍 明洪武三年延安侯唐勝宗吉安侯陸
仲亨捕代縣寇同復爵四年吉安侯陸仲亨屯雁門關八
年都督何文輝屯雁門關正統十四年也先入留代州五

日景泰元年也先數萬騎攻雁門都指揮李端擊却之復
侵關南端力拒不得過尋繇義井堡圍忻代諸州石亨等
不能禦長驅抵太原城北山西大震命巡撫朱鑑移鎮雁
門而別遣都督僉事王良鎮太原援兵漸集寇亦饜乃引
去天順四年秋孛來大舉入寇鎮大同高陽伯李文按兵
不戰遂入雁門大掠忻代諸州畿輔震恐文宥死立功八
月都督顏彪馮宗屯雁門關成化八年九月火篩自馬峪
口入正德七年十二月總兵神周敗績於圻子塢死者甚
衆九年由陽房口入至太原由石硤口出嘉靖二十年俺
答由代州至太原二十一年入代州三關不支四月詔宣
大總督翟鵬兼節制雁門偏頭寧武二十二年入代州至
太原三十二年九月寇代州村堡都御史趙時春親率兵

山西通志 卷五十四
禦之戰於東十里舖總兵李淦乘勝入寇伏中與其子松
死之遂寇忻崞歸又以兵邀之四十年入代州破西郭焚
之代櫻城自守四十一年破代州平城堡堡東距代五里
隆慶元年九月破石州游騎逼忻崞代州戒嚴寇憚度雁
門復趨石州還崇禎甲申二月闖賊至忻州官民迎降遂
攻代州五臺官吏迎降總兵周遇吉守代州出奇奮擊連
戰十餘日殺賊萬餘賊合諸路賊進攻遇吉兵少食盡退
守寧武關

五臺縣

晉時鐵弗帥劉氏居於新興慮虜之北 後魏神麿元年六
月并州卜田謀反伏誅餘衆不安詔淮南公王倍斤鎮慮
虜撫慰之 宋乾德五年北漢天會十一年也五月北漢

鳩唐砦招收指揮使樊暉以砦來降靖康時宣撫副使劉
韜遣別將賈瓊自代州出敵背且許義軍以爵祿得首領
數十旣復五臺而解潛折可求敗聞遂不果進 金天會
四年楊麻胡等聚衆數千於五臺鎮代州郭企忠與同知
州事廸里擊平之金圍太原郭企忠殲宋軍於五臺貞祐
四年河東行省胥鼎奏言河東北路宣撫使完顏伯嘉屢
言同知西京留守兼臺州刺史完顏琢可倚之以復山西
朝廷遷官賜姓令屯代北扼太和嶺今聞諸隘悉無琢兵
蓋琢挈太原之衆保五臺剽掠耳如尙以伯嘉之言爲可
信乞遣琢出太原或徙之內地分處其衆以備不測之變
宰臣奏已遣官體究琢軍且令太原元帥府烏古論德升
召琢使之矣當以此意報鼎無何德升奏琢兵數萬分屯

山西通志 卷五十四
代州諸險拒戰甚力其衆烏合非豕不可制胥鼎復奏宣
差提控古里甲石倫言豕方招降人謀復山西盤桓於忻
代定襄間恣爲侵擾無復行意發掘民粟戕殺無辜雖曰
不煩官廩博易爲名實則攘劫欺國害民無如豕者石倫
之言如此臣已令帥府禁止之矣宰臣奏所遣官自忻代
來云不見劫掠之迹惟如德升言便從之 元至正二十
年王士誠久躡晉冀李羅敗之於臺州乃走東平

繁峙縣

漢高帝七年十月周勃等從帝擊破韓王信軍降後人遂至
武泉建武十年上谷太守王霸等戰勝賈覽於平城下還
合諸將入雁門與驃騎大將軍杜茂會攻盧芳將尹由於
崞繁峙不克 晉太元元年十二月劉庫仁遣妻兄公孫

希擊破慕容垂將平規復大舉救苻丕發上谷及代雁門
兵次於繁峙慕容文等思東歸率三郡人攻殺庫仁
國朝順治六年賊劉遷據城焚學官兵收捕之

崞縣

漢將軍周勃下晉陽復擊韓信軍於砦石破之追北八十里
還攻樓煩二城因擊平城下所將卒當馳道爲多又擊陳
豨屠馬邑所將卒斬豨將軍乘馬降轉擊韓信陳豨趙利
軍於樓煩破之得豨將宋最雁門守囷因轉攻得雲中守
遯丞相箕隸將軍博定雁門郡十七縣雲中郡十二縣
隋大業十一年八月始畢圍雁門諸屬城皆破惟崞城守
時齊王暕以後軍保崞城 宋宣和末李翼爲代州西路
都巡檢使屯崞縣金人取代遣使諭降翼射却之帥士卒

堅守義勝軍統領崔忠殺都監張洪輔夜引金兵入城翼
挺身搏戰達旦力不敵被執與縣令李聳丞王唐臣尉劉
子英監酒閫誠將官折可與同死之 金大安三年元師
大掠崞縣 元致和元年九月上都諸王忽刺台等引兵
犯崞州至正十八年賊將關先生大掠 明洪武元年大
將軍徐達下太原遣副將軍常遇春取崞不下退屯於萬
家街歛兵十日不出一夕舉火燒萬家街火光燭天城中
莫測所爲遇春潛燒北門入城州守冒烟遁大都督府副
使顧時從大軍取平陽克崞州獲逃將王信等嘉靖三十
九年俺荅掠崞攻陷原平南陽等一十七堡崇禎六年二
月副總兵曹文詔連敗流賊於忻代間癸丑進都督同知
七年副總兵劉光祚敗賊崞縣復其城

保德州

漢元光元年七月虔人羌攻穀羅城度遼將軍耿夔討破之

章懷注穀羅屬西河郡

延熹四年冬十月先零沈底羌與諸種羌寇

并涼二州 周顯德中折德辰節度永安軍率師攻下河

市鎮斬并軍五百餘級入朝以其弟德權總州事又破并
軍五百餘於沙谷砦斬其將郝章張昭 宋大中祥符三

年麟府言社慶族依唐龍鎮爲援數擾別部請出兵襲之

上曰均吾民也不許 金興定三年六月保德州振威軍

萬戶王章弩軍萬戶齊鎮殺其刺史孛術魯銀朮哥仍滅

其家脅官吏軍民同狀白嵐州帥府言銀朮哥謀不軌鎮

西軍節度使古里甲石倫察令同知州事把蒲刺都圖之

蒲刺都乃與兵吏置酒召章等飲擒而族誅之命行省胥

山西通志 卷五十四
鼎量宜遷賞仍令蒲刺都攝州事撫安其衆 金字董濃
瑰木魯等攻保德未下突合速進兵助擊梯衝並進遂克
其城 明洪武六年北兵先後入白登保德與河曲輒爲
守將所敗正統四年十月瓦刺至西莊村兀良哈三千餘
人在櫃子山屯駐殺掠保德州河曲等縣景泰元年四月
諜報也先追石亨於雁門請令延綏總兵渡河於保德州
設伏截殺從之七月掠河曲保德成化十五年火篩由偏
關至王家寨正德十一年至東南大塔舖嘉靖十八年俺
答至城下四十一年至董家梁賈家梁東溝四十三年由
河西五虎山下踏冰橋入把總王宰兵三百殲焉由偏關
至東南栢森村叢林村趙家塢及城沙坪演武亭南關四
十五年由唐家會踏冰入千戶徐堯臣兵百餘殲焉數日

由賈家灣踏冰入至馮家川村落無烟隆慶元年十月自
河曲保德入汾石崇禎三年府谷賊熾

國朝順治七年守備牛化麟據城 王師破之十四年朱龍
黨周四據府谷知州李遇時等固守

河曲縣

唐開元四年突厥降戶處河曲者多北歸毗伽可汗朔方總
管薛納討平之 天寶十四載郭子儀擊高秀巖於河曲
敗之遂收雲中馬邑 宋端拱元年三月火山軍言河西
羌部直蕩族內附 何灌知火山軍賈胡曠有水泉遼人
常越境來汲灌遏其來遼將忿而舉兵灌迎高射之發輒
中着崖石皆沒鏃乃歛兵 遼神冊元年攻振武乘勝而
東攻蔚新武媯儒五州俘獲不可勝記斬不從命者萬四

千七百級盡有代北河曲陰山之衆遂取山北八軍金
海陵時火山賊李鐵槍乘暑攻震武軍節度使僕散忠義
單衣從一騎迎擊之射殺數人賊乃退興定元年七月癸
未隰州振威軍萬戶馬寬逐其刺史李策據城叛遣使招
之乃降已而復謀變州吏擒戮之夷其族四年五月癸卯
元兵徇隰州正大二年五月壬申詔諭隰州趙甫等能以
土地來歸當任使之 元至元二十四年河南省右丞魏
賽因不花鎮偏頭關窮逐字羅帖木兒於漠北 明景泰
元年也先犯河曲及義井堡殺二指揮成化元年火篩至
楊勉堡十九年春正月又至楊勉堡弘治十四年至七里
溝入至唐家會崇禎元年黃甫川賊王嘉孕吳廷貴踏水
掠河曲鄉村三年六月署縣張文憲賄釋賊王從化十月
二十八日嘉孕陷城四年四月總督魏雲中叅政周鴻圖
錮城竭水賊渴甚乃降太原令崔從教司餉賊平署河曲
事念賊病渴潰城恐賊亦以渴制我遂建議築南關水城
三年十一月山西總兵王國樑追賊於河曲發西洋砲砲
炸兵自亂賊乘之大潰遂陷河曲四年四月曹文詔等克
河曲斬賊一千五百餘級獲兵械馬騾數千王國棟擊王
嘉孕於河曲大敗賊入據其城部議設一大將兼統山陝
軍協討乃令杜文煥爲提督偕曹文詔馳至河曲絕饜道
以困之

山西通志卷五十四
 秦伯納公子重耳濟河圍令狐入桑泉
 取白衰杜預註桑泉在河東解縣西解縣東南有白城周赧王二十一年秦敗魏
 師於解漢鄧禹自箕關入圍安邑數月未下更始大將
 軍樊參將數萬人度大陽欲攻禹禹遣諸將逆擊於解南
 大破之斬參首晉義熙十三年二月建威將軍河北太
 守薛帛據解縣晉建武將軍沈林子自襄邑堡馳襲之帛
 棄軍奔河東林子收其兵糧是晉軍越中條山也梁河中節度使朱

山西通志卷第五十五

山西巡撫都察院右副都御史臣覺羅石麟奉

旨修輯

武事六

解州

春秋僖公二十四年秦伯納公子重耳濟河圍令狐入桑泉

取白衰

杜預註桑泉在河東解縣西解縣東南有白城

周赧王二十一年秦敗魏

師於解

漢鄧禹自箕關入圍安邑數月未下更始大將

軍樊參將數萬人度大陽欲攻禹禹遣諸將逆擊於解南

大破之斬參首晉義熙十三年二月建威將軍河北太

守薛帛據解縣晉建武將軍沈林子自襄邑堡馳襲之帛

棄軍奔河東林子收其兵糧是晉軍越中條山也梁河中節度使朱

友謙附晉命感化軍節度使康懷英討之與晉人戰白徑嶺懷英大敗 金元光二年五月甲子徙權平陽公史詠兵于解州河中府天興二年十一月河解元帥趙偉自金雞堡攻解州不能下 元至正二年六月回回刺理五百餘人渡河寇掠解吉隰等州

安邑縣

周赧王二十九年秦擊魏獻安邑以和 秦攻趙藺離石祁趙以公子郢爲質於秦請納焦黎牛狐之城以易藺離石祁於秦後趙背秦不予焦黎牛狐秦令衛胡易伐趙攻闕與趙奢救之魏令公子咎率銳師居安邑以挾秦秦敗於闕與反攻魏幾廉頗救幾大敗秦師 秦昭王十四年國尉白起涉河取韓安邑以東秦昭襄王十一年齊韓魏趙

中山共攻秦至鹽氏而還

漢高祖三年假左丞相曹參

從韓信取安邑得魏將王襄擊魏王於曲陽追至武垣生得魏王豹取平陽得魏王母及妻子盡定魏地凡五十二城建武元年前將軍鄧禹圍安邑遂及更始定國上公王匡戰於安邑大破之斬其將劉均初平二年董卓使中郎將牛輔屯安邑興平二年獻帝御牛車幸安邑河東太守王邑奉獻綿帛 後魏孝昌三年正平民薛鳳賢據安邑以應蕭寶夤詔都督宗正珍孫討鳳賢長孫稚討寶夤於長安及稚軍至恒農左丞楊侃曰潼關險要守禦已固不如北取蒲坂渡河而西入其腹心置兵死地則華州之圍不戰自解長安可坐取也稚曰子之計則善矣然今薛修義圍河東薛鳳賢據安邑宗正珍孫守虞坂不得進如何

山西通志 卷五十五
可往侃曰珍孫行陣一夫可爲人使安能使人河東治蒲坂西逼河封疆多在郡東修義驅民西圍郡城其家皆留舊村一旦聞官軍至皆有內顧之心必望風自潰矣稚乃使其子彥與侃率兵北渡據石錐壁命送降者各還村俟臺軍舉三烽當以烽相應無應烽者乃賊黨也當進擊屠之於是村民轉相告語雖實未降者亦詐舉烽一宿之間火光數百里賊圍城者不測各散歸修義鳳賢俱降稚遂克潼關 唐至德二年郭子儀攻崔乾祐於蒲津乾祐走安邑安邑僞納之兵半入懸門發乾祐得脫身走貞元元年陝虢軍亂李泌奏請河東全軍屯安邑 金貞祐二年宣差都提控從坦言絳解河中必爭之地惟令寶昌軍節度使從宜規畫鹽池之利以實二州則民受其利兵可以

強矣又言平陸產銀鐵若以鹽易米募工鍊冶可以廣財用備戎器小民傭力爲食亦可以息盜興定二年六月丙辰遣監察御史粘割校失往河中絳解等郡同守土官商度可保城池元光元年五月京兆行省完顏合達奏言河南陝西調度仰給解鹽今正漉鹽之時而敵擾之將失其利乞速濟師又言鹽利今方敵兵迫境不厚以分人孰肯冒險而取之若自輸運者十與其八則人爭赴以濟國用從之二年七月乙巳遣兵守衛解州鹽池正大七年八月賜陝西死事之孤鹽引及絹 明正德五年流賊犯翼城前哨至蒙城距運城百餘里御史胡集丁萬餘督修城五日畢後獲奸細黃狗子云齊彥明實欲犯運城以有備不果崇禎四年閏十月秦寇乘冰堅渡河十一月犯運城御

史王與印遣守備蘇王圻拒之敗績尋以蒲州兵至引去
國朝順治元年六月賊敗歸屯兵安邑勒百姓運鹽於陝西
六月十八日賊王小溪等陷城八月自蒲州敗回復入運
城九月開東南門遁

夏縣

隋大業末王君廓掠夏長平河東丞丁榮拒之且遣使慰召
君廓見使謬爲欲歸首者榮輕之因乘兵登山君廓悉伏
甲山谷中榮軍還掩擊破之 唐武德二年劉武周寇太
原夏人呂崇茂以縣應賊詔永安王孝基爲行軍總管攻
之工部尚書獨孤懷恩內史侍郎唐儉陝州總管于筠隸
焉筠請急攻城絕外援且當有變時懷恩挾異計給說孝
基曰夏城堅攻之引日宋金剛在近內拒外疆一敗塗地

不如頓兵待秦王破賊則夏自孤此謂不戰而屈人也孝
基謂然會尉遲敬德至與崇茂夾彥官軍師遂大敗孝基
及筠等皆執于賊

國朝順治六年知縣劉之屏守城殉難十二年巨寇張五盤
據夏縣山中分守河東道班璉密偵動靜會兵深入擒之
平陸縣

左傳桓十年秋初虞叔有玉

虞叔虞公弟

虞公求旃弗獻旣而悔

之曰周諺有之匹夫無罪懷璧其罪吾焉用此其以賈害
也乃獻之又求其寶劍叔曰是無厭也無厭將及我遂伐
虞公故虞公出奔其池 後魏孝昌三年長孫稚使其子
彥與左丞楊侃帥兵北渡河據石錐壁安邑賊薛鳳賢來
降大統九年拔洛陽柏谷塢三月齊神武至河北周太祖

還軍灑上以引之神武渡河北據邙山爲陣敗周太祖軍
十六年七月周太祖率諸軍東討九月丁巳軍出長安時
連雨自秋及冬諸軍馬驢多死遂於弘農北造橋濟河自
蒲坂還於是河南自洛陽河北自平陽以東遂入於齊矣
周建德四年北齊武平六年也東征令太保李穆別攻
軹關及河北諸縣竝破之後班師 宋建炎初石壕尉李
彥仙復陝州乘勝渡河列柵中條諸山旁郡邑皆響附乃
分遣邵雲等下絳解諸邑三年金天會七年也金婁宿悉
兵自蒲解大入知陝州李彥仙伏兵中條山擊之金兵大
潰婁宿僅以身免 金宗翰宗望會於汴使婁室帥師趨
陝津攻河東郡縣之未下者阿離土罕敗敵於河上遂克
陝府習古廼桑袁破陝之散卒于平陸西北活女別破敵

於平陸婁室破蒲解之軍二萬盡覆之安邑解州皆降遂
克河中府入汴師還婁室子活女破敵於平陸渡得其船
以濟又以兵破敵於張店原時屯留太平翼城皆有重敵
竝破之又分兵取陝西蒲州降留活女鎮之 元至正十
六年賊渡河陷平陸掠安邑蹂晉南鄙九月察罕帖木兒
追襲之蹙之以鐵騎賊回扼下陽津赴水死者甚衆相持
數月賊勢窮皆遁潰襲敗賊於平陸安邑 孫著穎川忠
襄王廟碑至正十四年妖賊分遣奇兵渡河北蹂解南鄙
王將騎夜渡靈寶要擊於安邑南原大破之乘勝逐北數
十里抵平陸城下大陽津賊爭赴水死無噍類遺城中賊
大奪氣會食盡棄城乃遁去 明崇禎五年冬流賊據東
山

芮城縣

左傳桓三年冬芮伯萬之母芮姜惡芮伯之多寵人也故逐之出居於魏 四年秋秦師侵芮敗焉小之也冬王師秦師圍魏執芮伯以歸時芮更立君秦執芮伯以歸將欲納之 十年秋秦人納芮伯萬於芮 竹書紀年晉武公七年芮伯萬之母芮姜逐萬萬奔魏八年周師號師圍魏取芮伯而東之九年戎人逆之邾桓王十二年秋秦侵芮冬王師秦師圍魏取芮伯而東之 後秦姚紹左長史姚洽及姚墨蠡等率騎三千屯於河北之九原欲絕檀道濟諸縣租輸辭曰夫小敵之堅大敵之擒今兵衆單弱而遠在河外雖明公神武絕倫然鞭短勢殊恐無所及紹不聽沈林子率衆八千要洽於河上洽戰死衆皆沒 游擊將軍王洛生屯河東劉裕

至潼關遣將軍朱超石徐猗之會薛帛於河北以攻蒲坂秦鎮東姚璞及姚和都擊敗猗之等於蒲坂猗之遇害超石棄其衆奔潼關 西魏大統三年八月中軍大都督賀拔勝從周太祖攻弘農勝自陝津先渡河東魏將高千遁勝追獲囚之下河北擒郡守孫晏崔又帳內都督尉遲綱從克河北郡 唐天寶十五載哥舒翰遇賊於靈寶西原崔乾祐先據險南薄山北阻河隘道七十里翰使王思禮寵忠等戰自以兵三萬登河北阜望之鳴鼓以助其勢官軍以道隘士卒如束又烟焰不能開目敗河北軍望之亦潰寶應元年僕固懷恩以回紇敗史朝義於西原轉戰石榴園老子祠賊再敗自相奔蹂死填尚書谷幾滿朝義輕騎走 金貞祐四年十月招射生獵戶練習武藝知土徑

者分屯陝虢要地天興元年正月闕鄉行省元單兀典從
虢入陝援汴同華闕鄉諸州縣軍糧數十萬斛備關船二
百餘艘皆順流東下俄聞元兵近糧皆不及載船悉空下
復盡起州民運靈寶硤石食粟游騎至殺掠不勝計又遣
陝州觀察副使兼規措轉運副使抹然速也以船八十往
運潼關闕鄉糧行及靈寶北河夾灘義軍張信侯三集壯
士三百餘保老幼立水柵元將忽魯罕只乘淺攻之不能
克遇速也船至卽降元兵得此船遂破侯張殺戮殆盡
元辛卯知平陽府李守賢構浮橋壬辰繇蒲津南濟潼二
月大破趙雄兵於芮城

絳州

張平據并州苻堅率衆討之以建節將軍鄧羌爲前鋒率騎

五千據汾上堅至銅壁平盡衆拒戰爲羌所敗獲其養子
蚝送之平懼乃降徙其所部三千餘戶於長安 後魏孝
昌二年六月絳賊陳雙熾聚衆反自號始建王曲赦平陽
建興正平三郡詔假鎮西將軍都督長孫稚討平之 東
魏以正平爲東雍州遣薛榮祖鎮之西魏建州刺史楊擲
將謀取之乃先遣奇兵急攻汾橋榮祖果盡出城中戰士
於汾橋拒守其夜擲率步騎二千從他道濟遂襲克之
周武帝將出兵河陽以伐齊內史都上士宇文弼進策曰
齊氏建國於今累葉雖曰無道藩屏之寄尚有其人今之
用兵須擇其地河陽衝要精兵所聚盡力攻圍恐難得志
如臣所見彼汾之曲戍小山平攻之易拔用武之地莫過
於此上不納師竟無功建德五年大舉伐齊卒用弼策周

武帝伐齊將出河陽鮑宏曰往者屢出河陽彼既有備致每不捷如進兵由汾潞直掩晉陽出其不虞似爲上策武帝不從卒無功 隋仁壽四年漢王諒餘黨據晉絳呂三州未下詔左武衛大將軍周羅睺進兵圍之爲流矢所中遂卒於師旋平賊大業十一年山西河東慰撫大使李淵擊絳州賊柴保昌降其衆數萬人絳郡賊敬槃陀柴保昌等阻兵數萬汾晉苦之詔民部尚書樊子蓋進討於時人物殷阜子蓋善惡無所分別汾水之北村塢盡焚之百姓大駭相率爲盜其有歸者無少長悉坑之擁衆數萬經年不能破賊詔徵還 唐高祖克霍邑進攻臨汾郡絳郡通守陳叔達拒守進攻克之獲陳叔達武德二年劉武周偕僞西南道大行臺宋金剛總兵二萬入寇次黃蛇鎮又連

突厥鋒無前遂破榆次拔介州進圍太原詔遣太常少卿李仲文禦之爲賊所執舉軍沒仲文逃還賊因破平遙取石州殺刺史王儉略浩州詔右僕射裴寂爲晉州道行軍總管拒之寂戰敗績齊王元吉委并州遁武周入據之遣金剛攻陷晉州執右驍衛將軍劉弘基進破澮州夏縣人呂崇茂殺其令自號魏王以應賊隋河東守將王行本與武周合關中震動詔秦王督兵進討屯柏壁又詔永安王孝基與于筠獨孤懷恩唐儉等攻夏縣不克軍城南崇茂與武周將尉遲敬德襲破孝基軍四將被執敬德還澮州王邀戰破之于美良川敬德復與別帥尋相援王行本于蒲王又破却其軍蒲州降上幸蒲津關王自柏壁輕騎謁行在金剛遂圍絳州王還屯金剛引退武周攻李仲文于

浩州不勝遣將黃子英護餉道驃騎大將軍張德政襲斬之虜其衆武周部將稍離金剛以糧道乏卒饑引去王追至雀鼠谷日中八戰賊皆敗斬級數萬獲輜重千乘金剛走介州官軍追之以餘衆二萬出西門背城陣亘七里王令李世勣程鸞金秦叔寶爲北軍翟長遜秦武通爲南軍旣戰小却王以精騎突擊破之金剛將輕騎去武周將尉遲敬德尋相張萬歲降收其精兵遂復介州武周引騎五百棄并州北走突厥金剛收散卒將還拒衆不爲用亦以百騎奔突厥并州平河東地盡復上元初河中節度都統處置使李國貞治於絳尋加晉絳慈隰沁等州觀察處置使旣至糧乏而所輸陳腐民貧不忍遽斂上書以聞而軍中謹謗突將王振乘衆怨給曰且畚鍤以待役事衆皆怒

夜燒牙門左右奔告請避之國貞曰吾被命爲將其可棄城乎固請乃逃獄中振引衆劫取之置食其前曰食是而役其力可乎國貞曰爾等方討賊何事役爲正緣儲食腐儉已請諸朝吾何所負衆服其言且引去振曰都統不死吾曹殆盡矣遂害之并殺其二子及三大將有詔以郭子儀代之振謂且見德子儀怒曰汝臨賊境而害主將賊若乘虛是無絳矣又欲爲功乎卽斬以徇廣明中蒲絳民壁其地摩雲山避亂羣賊往攻之不克李罕之以百人徑拔之人號爲李摩雲中和元年代北起軍使陳景思行至絳州沙陀軍亂大掠而還三年李克用代鄭從讜爲河東節度使從讜行黃頭軍以糧少劫其貲從讜間走絳州方道梗不通數月乃達長安 晉絳慈隰節度使馬燧討李懷

光率步騎三萬次于絳略定諸縣降其將馮萬興任象玉
遂圍絳拔外郭守將夜棄城去將四千人遣李自良定六
縣降其將辛旒收卒五千裨將谷秀違令掠士女斬以徇
王珙王琮連兵河中攻王珂李克用西討王行瑜攻下絳
州斬刺史王瑤 光啓中李罕之攻州王友遇降之龍紀
元年李存孝攻州取之 後漢高祖至州刺史李從朗降
之 宋靖康元年金兵破城巷戰三日 金太宗時河東
郡縣多叛穀英以先鋒攻絳州克之興定二年十一月甲
申河東南路隰吉等州聽絳州元帥府節制十二月己亥
朔升絳州爲晉安府總管河東南路兵降平陽爲散府河
東路安撫使蒲察婁室復取平陽晉安三年十一月戊午
元兵下晉安府行元帥府事工部尚書粘割貞死之四年

三月僉樞密院事完顏賽不奉詔出兵河北招降晉安權
府事皇甫珪正平縣令席永珪率五千餘人來歸得糧萬
石時河北所在義軍官民堅守堡寨力戰破敵者衆賽不
上章言此類忠亦可嘉若不旌酬無以激人心乞朝廷量
加官賞萬一敵兵復來將爭先効用矣上召樞密官曰朕
與卿等亦嘗有此議以不見彼中事勢故一聽帥臣規畫
今觀此奏甚稱朕意其令有司遷賞之四月遷樞密副使
五年五月引兵救河東戰屢捷復晉安平陽二城五年五
月壬寅陝西元帥完顏賽不遣使來獻晉安平陽之捷御
史烏古論胡魯劾其縱將士虜掠上以賽不有功詔不問
賞議亦寢元光元年七月庚戌元將按扎兒以其衆屯晉
安翼州之境 元己卯右副都元帥史天倪從木華黎徇

河東至絳州其團樓甃以石牢不可破天倪命穴其旁地
虛樓陷遂拔之以谷里夾打爲元帥達魯花赤攻拔石隰
州擊絳州克之 明洪武元年馮勝克平陽絳州十二月
副將軍馮宗異攻州克之擒元右丞田保徐伯昌獲將士
五百人

聞喜縣

春秋桓九年秋虢仲芮伯梁伯荀侯賈伯伐曲沃 晉人克
欒盈於曲沃盡殺欒氏之族黨欒魴出奔宋 周顯王四
十七年秦伐魏取曲沃 東晉咸和四年秋七月石虎
率衆二萬晉載記作四萬出軹關來攻河東應之者五十餘縣進
次蒲坂劉曜率中外精銳水陸赴之自衛關北濟虎懼引
師而退追之八月及於高侯大戰破之斬將軍石瞻枕尸

二百餘里收其資仗以萬億計虎奔朝歌遂濟自大陽攻
石生於金墉 通典高侯原在縣北卽十六國劉曜破石
勒將石季龍處也 晉孝武帝太元十一年西燕人殺段
隨東至聞喜立慕容忠復稱帝 慕容永立慕容忠至聞
喜知慕容垂稱尊號託以農要弗集築燕熙城以自固刁
雲等又殺忠推永爲大都督大將軍大單于雍秦涼梁四
州牧河東王稱藩於垂永以苻丕至平陽恐不能自固乃
遣使求丕假道還東丕不許率衆討永永擊走之 後魏
世祖時蓋吳作亂於關中汾陰人薛永宗聚衆應之屢殘
破諸縣來襲聞喜縣中先無兵仗人情駭動縣令憂惶計
無所出裴駿在家聞之便率厲鄉豪諸豪皆奮激請行駿
乃簡驍勇騎數百人奔赴賊聞救至引兵退走 唐北邨

山西通志 卷五十五
之敗懷州復陷李光弼渡河保聞喜李抱玉以兵寡棄河陽 元癸未三月木華黎渡河還聞喜疾篤召其弟帶孫曰我爲國家助成大業擐甲執銳幾四十年東征西討無復遺恨第恨汴京未下耳汝其勉之至正十八年曹濮賊分道踰太行焚上黨掠晉冀陷雲中雁門代郡烽火數千里復大掠南還察罕帖木兒先遣兵伏南山隘自勒重兵屯聞喜絳陽賊果出南山縱伏橫擊賊皆棄輜重走乃分兵屯澤州塞盩子城屯上黨塞吾兒峪屯并州塞井陘口以杜太行諸道河東悉定 明崇禎四年正月寧武總兵孫顯祖言聞喜稷山賊二十餘萬日勦日益官兵不過二千奔逐不支乞發京營或調邊騎夾勦命下所督便宜專制總督張宗衡以兵餉竝乏竟不行九月山西賊入河北

犯濟源十二月甲午寧武總兵孫顯祖於河津稷山聞喜等處與賊六戰俱捷

河津縣

晉獻公十六年伐滅耿 魏襄王六年秦取我汾陰皮氏焦

十二年秦公孫爰率師伐我圍皮氏翟章率師救皮氏圍

疾西風十三年城皮氏 惠王九年渡河取皮氏十二年

初臘會龍門十三年秦擊皮氏未拔而解 秦昭王元年

樗里子伐蒲解而去還擊皮氏未降又去秦孝公二十三

年與晉戰岸門 魏哀王二年秦使樗里子取我曲沃走

犀首岸門 漢建武元年鄧禹自河東渡汾陰河入夏陽

明崇禎庚午流賊犯樊村樓里諸鎮闖賊敗歸攻破清

澗故鎮樊村諸堡

稷山縣

明崇禎四年後流寇倚稷山為巢穴絳垣諸州邑騷然分守河東道焦源溥練步卒五百人號黃虎將簡選僧兵數百人騎兵僅百人善以少擊眾親臨戰陣手刃兩巨寇擡營搜山寇遂遁賊點燈子自陝入山西臨洮總兵曹文詔追之及於稷山諭降七百人點燈子遁尋被獲伏誅

絳縣

明崇禎四年流寇入境五年大擾

國朝順治六年五月土賊入城十二月焚縣治七年二月平

垣曲縣

襄公二十三年齊侯伐晉取朝歌為二隊入孟門登太行張

武軍於熒庭戍郟邵

縣志邵郟

封少水

封晉尸於少水以為京觀

○水經注少水

即沁水

以報平陰之役乃還趙勝帥東陽之師以追之獲晏

鼂

秦昭王十六年大良造白起與客卿錯攻垣城拔之

漢建安中張晟騎攻東垣 晉永和十一年十月秦王

永敗於襄陵時苻纂奔苻丕部下壯士三千餘人丕猜而

忌之懼為纂所殺率騎數千奔東垣揚威將軍馮該自陝

要擊殺之 苻健自枋頭西行至盟津起浮橋以濟遣弟

雄率騎五千入潼關兄子菁率眾七千自軹關入河東執

菁手曰若事不捷汝死河北我死河南不及黃泉無相見

也濟訖焚橋自統大眾繼雄而進遂擊破杜洪將張光於

潼關 後魏正光後則將裴慶孫敗山胡絳蜀於齊子嶺

乃深入二百餘里至隄胡城朝廷以此地被山帶河衿要

之所肅宗末遂立邵郡 因以慶孫為太守假節輔國將軍

當郡都督民經賊亂之後率多逃竄慶孫務安緝之咸來歸業東魏東雍州刺史郭叔略與西魏東徐州接境頗爲邊患東徐州刺史韓雄密圖之乃輕將十騎夜入其境伏於道側遣都督韓仕於叔略城東服東魏人衣服詐若自河陽叛投關西者叔略出馳之雄自後射之再發咸中遂斬叔略首周太祖攻拔弘農而自河以北猶附東魏車騎將軍高梁楊擗父猛先爲邵白水令擗與其豪右相知請微行詣邵舉兵以應朝廷太祖許之擗遂行與土豪王覆憐等陰謀舉事密相應會者三千人內外俱發遂拔邵郡擒郡守程保及令四人竝斬之衆議推擗行郡事擗以因覆憐等成事遂表覆憐爲邵郡守以功授大行臺左丞率義徒更爲經略於是遣謀人誘說東魏城堡旬月之

間正平河北南汾二絳建州大寧等城竝有請爲內應者大軍因攻而拔以擗行正平郡事左丞如故齊神武敗於沙苑其將韓軌潘樂可朱渾元等爲殿擗分兵要截殺傷甚衆東雍州刺史馬恭懼擗威聲棄城遁走擗遂移據東雍州邵郡民以郡東叛郡守郭武安脫身走擗又率兵攻而復之東魏懷州刺史平鑿奏請於州西故軹關道築城以防西軍從之俄而西魏將揚擗來攻時新築之城糧仗未集素乏水南門內有大井隨汲卽竭鑿具衣冠俯井而祝至旦而井泉湧溢有異於常合城取足揚示敵人將士旣覩非常勇氣自立揚擗敗武定末潘樂鎮河陽齊文宣以懷州刺史平鑿等所築城深入敵境欲棄之樂以軹關要害必須防固乃更修理增置兵將而還齊天保

元年十一月周文帝至陝城分騎北渡至建州丙寅齊文
宣帝親戎出次晉陽城東周文聞文宣軍容嚴盛歎曰高
歡不死矣遂退師 周文東至峭陝遣其行臺侯莫陳崇
自齊子嶺趣軹關儀同楊擲從鼓鐘道出建州陷孤公戍
詔司徒潘樂總大衆禦之樂繇河陽晝夜兼行至長子遣
儀同韓永興從建州西趣崇崇遂遁 河清二年四月尚
書右僕射斛律光率步騎二萬築勳掌城於軹關西仍築
長城二百里置十三戍 周於邵郡置邵州以楊擲爲刺
史保定四年圍洛陽詔擲率義兵萬餘人出軹關擲自鎮
東境二十餘年數與齊人戰每嘗克獲以此遂有輕敵之
心時洛陽未下而擲深入敵境又不設備齊人奄至大破
擲軍擲以衆敗遂降於齊 建德四年北齊武平六年也

河州刺史劉雄從柱國李穆出軹關攻邵州等城拔之

宋岳飛遣梁興渡河糾合忠義社取河東北州縣興會太
行忠義及兩河豪傑趙雲李進董榮牛顯張峪等破金人
於垣曲又捷于沁水追至孟州之邵原金張太保成太保
等以所部降又破金高太尉兵于濟源遂取懷衛二州破
宗弼軍斷山東河北金帛馬綱之路金人大擾飛尋召還

志於垣曲
以紀事始

金元光二年高倫遷保葛伯寨

明成化癸卯

甲辰大饑巨盜劫掠萃至千餘人巡撫葉淇叅政劉世忠
平陽知府李琮諭平之崇禎三年十一月賊李興仁等八
十餘人假香客倏劫店頭村四年五月總兵曹文詔擊斬
王嘉孕班師至臯落鞍子嶺遇少陵僧兵誤鬪久之乃解
七月賊數百自陽城至北山退坂壯丁劉澤盛等入深谷

勦之多傷五年十二月賊掃地王一斗穀混天王自絳縣
巢劉張臯落回村二十餘處陽和總兵尤世祿勦之斬三
百級賊東走六年正月賊千餘自濟源掠趙家陵望仙莊
義兵郭可充等戰沒二月賊千餘屯南山胡家峪典史秦
宗文鄉勇劉俊民等追至聞喜石峽入幽谷夜半賊襲俊
戰死賊萬餘自絳縣掠邢馬南羊三月賊五千自平陸掠
王家嶺守東道葉廷桂駐垣曲川將蔣守備閻振國擊之
斬一百三十級賊走援勦山西守備賀人龍敗賊垣曲絳
縣又連破賊水頭鎮花池寨湯湖村會山西賊幾盡乃還
陝六月丙寅河北賊圍湯陰林輝涉安諸邑別賊自陽城
垣曲來合於濟源七月五日賊數十餘萬自濟源來堡寨
盡失圍城七晝夜知縣段自宏固守總兵曹文詔兵至臯

落鎮遇賊塘馬斬首五十級賊懼而遁文詔兼程襲之十
一月南渡河七年春饑民聚六郎寨歪頭山撫之冬賊在
河南欲乘冰北渡叅將猛如虎虎大威扼之河濱十六年
陝西總督孫傳庭兵駐河南府連雨饑困繇孟津北渡過
垣曲奔陝遣總兵高傑守潼關而關已破
國朝順治元年九月賊數萬屯城北高地專攻西北二門砲
擊塌北門甕城徑上垣夜半破大樓二年三月 大兵討
平之

吉州

漢中平五年七月南部與白波賊寇河東六年十月白波賊
寇河東 晉升平二年姚襄遣姚闡王欽等招動定陽芹
州衆二萬七千進據黃洛 後魏永平四年正月汾州劉

龍駒聚衆反詔諫議大夫薛和率衆討之正光五年十一月汾州正平平陽山寇叛詔章武王融爲大都督以討之孝昌元年十二月劉蠡升反自稱天子置官僚東魏天平二年三月齊獻武王平劉蠡升復破擒其子南海王西海王并逋逃二萬餘戶元象元年正月大都督賀拔仁攻寶炬南汾州已卯拔之大統三年右軍大都督李弼與中軍大都督賀拔勝攻尅河東略定汾絳汾州之北離石以南悉遭抄掠居人阻斷河路周勳州刺史韋孝寬深患之而地入於齊無方誅剪欲當其要處置一大城恭帝二年乃於河西徵役徒十萬甲士百人遣開府姚岳監築之岳以兵少爲難孝寬曰計成此城十日卽畢旣去晉州四百餘里一日創手二日僞境始知設令晉州徵兵二日方集

謀議之間自稽三日計其軍行二日不到我之城隍足得辦矣乃令築之齊人果至南首疑有大軍仍停留不進其夜又令汾水以南傍介山稷山諸村所在縱火齊人謂是軍營遂收兵自固版築克就如其言周冢宰宇文護令中外府水曹參軍郭榮於汾州觀形勢時汾州與姚襄鎮相去懸遠榮以爲二城孤迥勢不相救請於州鎮之間更築一城以相控攝護從之俄而齊將段孝先攻陷姚襄汾州二城惟榮所立者獨能自守齊段孝先攻汾州周宇文護作浮橋出兵渡河與孝先戰孝先于上流縱大筏以擊浮橋護令榮督便水者引取其筏以功授大都督周天和六年北齊武平二年也齊段韶圍汾州周刺史楊敷固守韶曰城三面重澗皆無走路惟慮東南一道耳精兵專

守此必成擒令壯士千餘伏東南澗口會敷糧盡走伏起擒之遂取汾州大司馬齊王憲率衆出自龍門齊將新蔡王康德潛軍宵遁憲乃渡河攻其伏龍等四城二日盡拔又攻張壁克之斛律明月時在華谷弗能救乃北攻姚襄城陷汾州又見圍日久憲遣柱國宇文盛運粟饋之憲自入兩乳谷襲克齊伯杜城使柱國譚公會築石殿城以爲汾州之援齊平原王段孝先蘭陵王高長恭引兵大至大將軍韓歡爲齊人所乘遂退憲身自督戰齊軍稍却會日暮乃各收軍譙王儉爲行軍總管與齊王憲討天柱於河東儉攻破之斬首三千級宣政元年九月汾州劉受邏于舉兵反詔上柱國越王盛爲行軍元帥率衆討平之唐天復元年晉周德威李嗣昭取慈州二年復陷德威復取

之金興定三年遣近侍局直長溫敦百家奴邢部侍郎奧屯胡撒合徙吉州之民於丹州以避兵絳州民重遷遮道控訴百家奴令召晉安兵將護老幼以行衆意兵至必見強乃譟入州署殺百家奴胡撒合畏禍徇衆與會飲歌樂盡日衆肩輿導擁護呼拜謝而去後治罪金末年於牛心寨僑置吉州吉隰便宜經略使楊貞守之元破寨貞闔室墜崖貞墜河元巳卯權兵馬都元帥史天祥下河東平陽河中寄嵐絳石隰吉寧等八十餘城巳卯詔石抹也先以黑軍分屯太原平陽隰吉寄嵐諸郡所將皆猛士衣黑爲號故曰黑軍庚寅關中兵屯吉州酋領楊鐵鎗以數千人叛河東南路都元帥李守正出兵擒之明崇禎三年正月賊王嘉孕陷府谷他賊入山西犯吉州襄陵太平

山西通志 卷五十五 六
曲沃十六年高傑渡河屯紮州境數日焚毀郵舍十二月
闖賊陷州

國朝順治元年十月 大兵至黑龍關魏敏起義兵初十日
破城偽知州潛遁六年五月魏敏爲亂八月陷城七年二
月平

鄉寧縣

晉惠公時狄取狐厨涉汾 周保定中離石生胡數寇汾北
勳州刺史韋孝寬於險要築城置兵糧以遏其路建德五
年北齊武平七年也十一月東伐趙王招率兵出稽胡令
行軍總管韋孝寬圍守華谷以應接之孝寬克其四城

隰州

元魏天賜元年遣離石護軍劉託率騎三千襲蒲子 隋大

業十三年七月癸丑唐高祖發太原甲寅遣將張綸徇下
離石龍泉文城三郡 唐天復元年六月晉周德威李嗣
昭取隰州二年汴取隰州周德威復取之 北漢乾祐四
年二月攻隰州周刺史許遷遣步軍都指揮使孫繼業迎
擊於長壽村執北漢牙將殺之未幾復薄州城攻數日不
克遂引還 後周顯德五年北漢天會二年也都監閑廐
使李謙溥謂節帥楊廷璋曰大寧咽喉要地不可闕守廷
璋署謙溥權州事并人數千騎來寇時方盛暑謙溥單衣
持扇登城徐步并人退舍旬餘復來攻募敢死士夜縋出
城會廷璋兵夾攻掩其不及并人悉衆遁 周世宗時隰
州刺史孫議卒建雄節度使楊廷璋遣監軍李謙溥領州
事謙溥至并人來攻城議者以爲宜速廷璋曰隰州城壁

堅完并人奄至未能為攻城具當出奇以破之乃募敢死士百餘人許以重賞由間道遣人約謙溥為內應既至銜枚夜擊城中鼓譟出并人大潰追北數十里斬千餘級獲器甲萬計 宋建隆二年北漢天會六年也四月命郭進控西山武守琪戍晉州李謙溥守隰州以備北漢五月隰州巡檢使李謙溥拔北漢七砦辛丑晉隰巡檢穆彥璋入河東俘二千餘人景德元年石隰州言河西蕃族四十五族首領率屬內附 金興定二年八月戊辰元兵取隰州三年軒成保隰州招撫使胡天祚請增置要害州縣以分其勢乃升蒲縣為州轄大寧件城鎮為縣五年元兵由丹州渡河圍隰克之元光元年十月牛心寨僑治吉州木華黎自隰州攻拔之已卯木華黎以谷里夾打為元帥攻拔

石隰州擊絳州克之庚辰木華黎由葭州渡河西行北路都元帥哈刺拔都迎之道破隰州及懸窰地洞諸寨辛巳十月金復取隰州以軒成為經略使已卯秋八月木華黎復由丹州渡河圍隰克之留合尹統蒙古軍鎮石隰間以田雄權元帥府事軒成據隰州元河東南路兵馬都元帥李守正往擊之中矢傷足 明崇禎三年陝賊至隰州瓦窰舖五年八月自大寧襲破隰州四年八月賊點燈子還陝西黃龍山他部陷隰州蒲州命許鼎臣巡撫山西七年陝西都司僉書賀人龍擊賊隰州擒尅天虎 國朝順治六年水頭鎮土賊王登憲等陷州官兵勦平之 蒲縣

周宣王三十八年晉人敗北戎於汾隰

志於蒲以概汾隰

梁襄王七

山西通志 卷五十五
年秦降我蒲陽 景潛王三年秦拔我垣陽衍 漢建安
二十一年七月南單于南部居蒲子 晉永興三年劉元
海據河東攻蒲阪平陽皆陷之入都蒲子河東平陽屬縣
壘壁盡降 後魏永興五年河西曹龍張大頭等各領部
衆二萬入蒲子 唐天復二年周德威李嗣昭進攻晉絳
大敗於蒲縣梁軍乘勝破汾慈隰三州遂圍太原 朱全
忠屯鳳翔李克用襲絳州攻臨汾全忠晉慈觀察使氏叔
琮以二壯士類沙陀者牧馬于原與克用軍偕行伺隙各
擒一虜還克用大驚疑有伏遂退屯蒲會朱友寧以兵三
萬來援叔琮曰賊遁矣無以立功乃潛師夜獵游騎殺數
百進破其壘俘斬萬級收馬三千遂長驅取汾州轉戰薄
太原而還 晉兵退屯於蒲縣梁太祖遣朱友寧兵萬人

會氏叔琮禦晉友寧欲休兵以待叔琮曰敵聞救至必走
走則何功耶乃夜擊之晉人大敗逐之至於太原 明崇
禎三年四月流賊王子順苗美陷蒲縣山西自河曲至蒲
津千五百里俱鄰陝河最狹賊自神木渡河陷蒲已分三
部東犯趙城洪洞汾霍西掠石樓永和吉隰賊首自號橫
天一字王四月二十八日陝賊王家徹破城四年點燈子
渡河副將曹文詔襲其後一戰於金定支村再戰於百家
原復戰於明山點燈子殲黨衆潰散五年七月闖賊李自
成八大王老狷狷紫金梁翻山鷓等集蒲境攻城三晝夜
不能克是夜賊令三百精銳襲大寧甫三鼓城陷次日賊
逸六年七月土寇張喜春豐二豐三等盤踞東山百餘里
叅將虎大威勦不能克後招安始息

山西通志 卷五十五
國朝順治六年土賊劉嗣向及永和賊衛敏隰州水頭鎮賊
王登憲等陷城討平之

大寧縣

姚襄戰伊水北爲桓溫所敗率麾下數千騎奔於北山屯據
陽鄉百姓多從之尋徙北屈將圖關中進屯杏城 周天
和六年北齊武平二年也汾州被圍齊王憲遣大宗伯宇文
文盛運粟給之仍赴姚襄城受憲節度齊將段孝先率兵
大至盛力戰孝先退乃築大寧城而還建德四年北齊武
平六年也閏十月齊將尉相貴寇大寧延州總管王慶擊
走之 宋真宗時石隰部署耿全斌率兵入伏洛關誘蕃
部來歸者數千人 明崇禎五年七月流賊陷城
永和縣

魏神瑞元年二月夏赫連屈子侵蒲子三城護軍張昌要擊
走之西夏侵蒲子渡河入永和關 魏高祖時吐京反自

號辛支王西臺直後奚康生爲軍主從章武王彬討之辛
支遣精騎一千邀路斷截康生率五百人拒戰破之追至
石羊城斬首三十級彬甲卒七千與對戰分爲五軍四軍
俱敗康生軍獨全遷爲統軍率精騎一千追至車突谷詐
爲墜馬敵皆謂死爭欲取之康生騰騎奮矛殺傷數十人
辛支輕騎退走去康生百餘步彎弓射之應弦而死因俘
其牛羊駝馬以萬數 明崇禎三年五月二十七日西賊
扒山虎五百餘人攻入城晉疆首陷四年流賊點燈子率
衆數千至城下分巡河東道郭守城賊攻不能克

國朝順治六年陝賊龐武生三百人陷城典史鍾夢豹死之

山西通志卷第五十五
土賊衛敏等陷吉隰蒲永城康熙十三年賊王祥等百餘人攻城邑王居中單刀擒賊首張桂陰任傻子賊衆遂潰

山西通志卷第五十五

山西通志卷第五十六

山西巡撫都察院右副都御史臣覺羅石麟奉

旨修輯

驛站

遞馬而傳之曰驛益以牛益以驢益以車運以鋪兵督以郵吏飛符傳命戒稽緩也驛站之設誠爲經國要務矧三晉北拱

神京西通秦蜀九達之衢較諸他省尤重其間衝僻繁簡因時損益要當各殫厥職以無負牧圉之任志驛站

後漢輿服志驛馬三十里一置

劉昭注按東晉猶有郵驛共置承受傍郡縣文書有郵有

驛行傳以相付縣置屋二區有丞驛吏皆條所受書每月言上州郡風俗通今吏郵書掾府督郵職掌此

唐有館驛使司驛務成德行營招討處置使吐突承瓘討王

山西通志 卷五十一
承宗內寺伯宋惟澄曹進玉爲館驛使自河南陝西河陽
惟澄主之京華河中至太原進玉主之

宋縣置巡轄馬遞鋪官

金制省遞勅遞有合遞文字則牌送各部付馬鋪轉遞日行
二百五十里如臺部別奉旨文字亦給如上制泰和六年
置遞鋪其制該軍馬路十里一鋪鋪設四人內鋪頭一人
鋪兵三人以所轄兵射糧軍內差充腰鈴日行三百里凡
元帥府六部文移以勅遞省遞牌子入鋪轉遞傳遞果子
夫日一百五十文

元制站赤者驛傳之名也凡站陸則以馬以牛或以驢或以
車而水則以舟其給驛傳璽書謂之鋪馬聖旨遇軍務之
急則又以金字圓符爲信銀字者次之內則掌之天府外

則國人之爲長官者主之其官有驛令有提領又置脫脫
禾孫於關會之地以司辨詰皆總之於通政院及中書兵
部而站戶闕乏以時簽補且加賑恤焉至元八年正月中
書省議鋪馬劄子初用蒙古字各處站赤未能盡識宜繪
畫馬匹數目復以省印覆之庶無疑惑因命今後各處取
給鋪馬標附文籍其馬匹數付驛史房書寫畢就左右司
用墨印印給馬數目省印訖別行附籍發行墨印左右
司封掌至元二十六年四月給太原府宣慰司及儲峙提
舉司鋪馬聖旨二道九月增給西京宣慰司鋪馬劄子五
道 急遞鋪之設所以達四方文書之往來世祖時自燕
京至開平府復自開平府至京兆驗地里遠近人數多寡
立急遞站鋪每十里或十五里二十五里則設一鋪於各

州縣所管民戶及漏籍戶內僉起鋪兵中統元年詔隨處
官司設傳遞鋪驛每鋪設鋪丁五人各處縣官置文簿一
道遇有傳遞文字當傳鋪所卽注名件到鋪時刻及所轄
轉遞人姓名置簿令轉送人取鋪押字交收時刻還鋪
本縣官司時復點刷稽滯者治罪鋪兵一晝夜行四百里
明山西驛遞銀歲徵五十四萬兩隆慶初巡撫楊巍請減四
之一

國朝晉省原額衝僻共五十六驛共馬騾二千九百七十一
匹頭二馬一夫共馬夫一千四百八十五名半
十二邊站共馬騾三百九匹頭共馬夫一百五十四名半
此項邊站夫馬工料係在驛道衙門奏銷其夫馬係營員
經管

十軍站馬五百八十二匹夫二百九十一名

以上驛站三項共馬騾三千八百六十二匹頭馬夫共
一千九百三十一名

雍正四年爲敬陳管見事議將各省驛馬宜增宜減晉省
各驛奉減馬二百六十四匹夫一百三十名議增馬五十二
匹夫二十六名雍正六年以大同府屬之蔚州併原額馬
三十一匹馬夫一十五名半廠夫二十名改歸直隸宣化
府管轄雍正八年將營員管理之十軍站并十二邊站夫
馬俱改歸就近州縣管理雍正九年奉文於平定州屬甘
桃鋪適中之地添設腰站設驛丞一員驛書一名皂隸二
名馬六十四匹馬夫三十名建蓋衙署房舍棚廠雍正十年
奉文於壽陽縣添設腰站馬六十四匹馬夫三十名卽歸該

縣管理將芹泉驛移近於平定州之測石鋪仍隸孟縣管轄

以上除裁減并改歸直隸夫馬外實在新舊共五十七驛十二邊站十軍站共馬騾三千五百三十一匹馬夫一千七百六十五名半共歲支工料等項銀一十萬一千三百八十八兩零六分六釐九毫五絲一忽八微七纖九沙三塵二渺四埃內遇閏加支銀八千四百四十九兩五釐五毫七絲九忽三微二纖三沙二塵七渺七埃

衝驛并衝軍站每馬一匹日支草料等項銀六分六釐五毫馬夫每名日支工食銀三分五釐
僻驛并僻軍站每馬一匹日支草料等項銀六分馬夫

每名日支工食銀三分

十二邊站每馬一匹日支草料等項銀五分一釐零至四分一毫零馬夫每名日支工食銀三分

晉省舊設驛丞四十一缺雍正九年奉文將在城之陽曲等縣臨汾等驛驛丞一十九員裁汰驛站事宜均歸州縣管理其驛丞在城外離城寫遠之陽曲等縣成晉等二十二驛仍留驛丞專管雍正九年吳城青龍二驛驛丞奉裁

晉省驛傳向俱冀寧道管理雍正十年奉文將通省驛站并鋪司照各所轄地方三道分管其鴈平道所管之平定州一屬改歸冀寧道管轄通省驛站錢糧仍屬冀寧道支收報銷如遇抽撥協濟馬匹之事須酌量通省驛站之衝僻從長計議亦冀寧道酌撥平刑邊站聚樂軍站胥改爲驛

山西通志 卷五十六 四

另設驛丞專管

晉省原額各驛站廠所損轎接遞甲皂等夫共五千四百八十九名雍正三年奉裁夫二千四百四十九名議增夫一百二十八名共存夫三千一百六十八名雍正六年奉文將蔚州并原額廠夫二十名改歸直隸雍正八年奉文將營員所管軍邊二十二站夫三百七名改歸就近州縣管理雍正十年奉文裁夫六百二十二名

以上除奉裁并改歸直隸外實在現存廠所夫二千八百三十三名各支工食不等

共歲支工食銀三萬二百五十一兩四錢八分九釐六毫五絲四忽一微八纖六沙五埃五漠遇閏加支銀二千三百八十五兩一錢九分四釐七毫一絲二忽七微

三織一沙八渺四埃一漠

晉省現在五十九驛十一邊站九軍站驛丞二十三缺

原屬州縣經管者一十四驛

岢嵐州永寧驛僻遞汾陽縣汾陽驛稍衝靜樂縣康家會驛僻遞永寧州玉亭驛僻遞沁州沁陽驛稍衝內有沁源縣協濟應州安銀子驛次衝渾源州上盤鋪驛稍衝懷仁縣西安驛次衝山陰縣山陰驛次衝靈邱縣太白驛次衝廣靈縣馬廠驛僻遞馬邑縣廣武驛稍衝廣昌縣香山倒馬二驛僻遞

原屬驛丞經管今奉裁歸併州縣者二十一驛

陽曲縣臨汾驛極衝徐溝縣同戈驛極衝內有太谷清源文水交城四縣協濟祁縣賈令驛極衝靈石縣瑞石驛極

衝霍州霍山驛極衝內有趙城縣協濟洪洞縣普潤驛極衝臨汾縣建雄驛極衝內有襄陵縣協濟聞喜縣凍川驛極衝內有絳稷二縣協濟臨晉縣樊橋驛極衝內有虞鄉縣經管馬二十六匹馬夫一十三名廠夫三十名永濟縣河東驛極衝內有滎河平陸芮城三縣協濟大同縣甕城驛稍衝長子縣漳澤驛稍衝屯留縣余吾驛稍衝平遙縣洪善驛極衝介休縣義棠驛極衝永寧州吳城驛僻逋青龍驛僻逋鳳臺縣太行驛稍衝平定州平潭驛極衝忻州九原驛次衝代州鴈門驛次衝太平縣史村廠極衝朔平府朔州廠次衝

舊設現在驛丞管理者二十驛

陽曲縣成晉驛次衝凌井驛僻逋祁縣盤陀驛稍衝榆次

縣鳴謙驛極衝曲沃縣蒙城驛極衝內有絳州翼城縣協濟侯馬驛極衝內有太平縣協濟靈石縣仁義驛極衝係汾西隰州浮山岳陽鄉寧五州縣協濟襄垣縣禰亭驛稍衝鳳臺縣星軹驛稍衝高平縣長平驛稍衝喬村驛稍衝遼州南關驛稍衝武鄉縣權店驛稍衝壽陽縣太安驛極衝樂平縣栢井驛極衝孟縣芹泉驛極衝繁峙縣砂澗驛僻逋三泉廠安邑縣泓芝驛極衝崞縣原平驛次衝閻渥驛僻逋

新設州縣管理者一驛

壽陽縣壽陽驛極衝

新設驛丞管理者三驛

平定州甘桃舖驛極衝大同縣聚樂軍站今改爲驛極衝

山西通志 卷五十一 六
繁峙縣平刑邊站今改爲驛僻逋

軍站九

大同縣大同軍站極衝陽高縣陽和軍站極衝天鎮縣天
城軍站極衝左雲縣左雲軍站極衝高山軍站極衝右玉
縣右玉軍站極衝威遠軍站僻逋平魯縣平魯軍站次衝
井坪軍站次衝

邊站十一

寧武縣寧武邊站僻逋寧化邊站僻逋偏關縣偏關邊站
僻逋水泉邊站僻逋老營邊站僻逋神池縣神池邊站僻
逋利民邊站僻逋八角邊站僻逋五寨縣五寨邊站僻逋
三岔邊站僻逋代州廣武邊站僻逋
以上除廠所夫二千八百三十三名外共馬騾三千五

百三十一匹頭共馬夫一千七百六十五名半

舊塘站

康熙三十五年奉文安設各站馬九百五十一匹內除天
城等站原額馬五百六十八匹外抽撥各驛馬三百八十
三匹續奉撤回陽和東三十里舖等腰站共馬一百五十
二匹變價充餉其抽撥各站馬二百三十一匹仍留正腰
各站

新塘站

康熙五十四年奉文經議政大臣會議西寧嘉峪關等處
現今有事應於此二路仍照舊例將安站馬匹坐臺筆帖
式速行設立等語查先經設立軍站俱於四百里設立一
站今次仍照前於四百里設立一站之例自京城由沿邊

山西通志 卷五十一
以至莊浪設立六站自莊浪至嘉峪關設立四站自莊浪
以至西寧設立一站每站安設筆帖式一員撥什庫二名
令其馳送緊急軍務至四百里設立一正站路程遙遠應
於適中之處每三十里設立一腰站每正站設馬八十四
腰站設馬四十四匹如本驛馬匹不敷將僻遞馬匹並附近
營馬抽撥協濟將此設立驛站之處移咨直隸山西陝西
甘肅巡撫安設等因隨遵於大同前衛三岔堡設二正站
枳兒嶺天城站陽和東三十里鋪綉女村懷仁縣薛家庄
鹽豐營岱岳上西河村馬邑縣朔州黎園頭大水口神池
義井仁義村韓家樓李家溝沙泉年延村保德州共二十
五處俱設為腰站又沙泉西十里紅崖頭安馬二十四匹作
一小腰站以上正站各安設馬八十四匹腰站各安馬四十

匹紅崖頭安馬二十四匹共安設馬一千一百八十四匹於通
省驛站馬內抽撥雍正五年為遠夷效順等事奉議康熙
五十四年軍興枳兒嶺至保德州又大同至殺虎口安設
臺站馬匹議減馬三百一十四匹請留九十九匹等因查雲
岡等三站原設馬六十四匹外實抽撥各驛馬共一千二百
四十四匹但敬陳管見等事案內有晉省議裁馬二百八匹
應令該撫變價充餉其餘一千二十三匹撤回各驛應差
雍正六年十一月奉文將晉省所設臺站馬匹撤回雍正
七年為沿邊口外均應照例添設驛站等事自大同府枳
兒嶺天城陽和東三十里鋪陽和城王官人屯聚樂城大
同東三十里鋪大同城綉女村懷仁縣薛家庄鹽豐營岱
岳上西河村馬邑縣朔州黎園頭大水口神池堡義井村

三岔堡韓家樓李家溝沙泉紅崖頭年延村保德州直接
陝西共安設腰站二十八處於通省衝僻各驛站抽馬一
千一百匹馬夫五百五十名分派於各腰站俟大兵凱旋
撤回於枳兒嶺陽和東三十里舖王官人屯大同城薛家
庄上西河梨園頭三岔堡年延村等八處安設兵臺八臺
每臺千總一員跟役二名把總一員跟役一名賚送往來
咨報事件半年一換於撫標大同鎮標各營把總內派委
其腰站夫馬有無疲瘦缺少分派朔平府糧餉同知大同
府糧捕通判寧武府鹽捕同知各分管稽查其兵臺員役
馳送事件有無遲悞磨損分派大同鎮委員總理稽查雍
正九年爲緊急軍務等事因殺虎口一路緊急報匣公文
絡繹復設臺站自大同府城雲岡高山站雲西左雲站牛

心山右玉縣共安設腰站七處於大同左雲高山右玉等
站內撥馬二百一十四匹馬夫一百五名分派於各腰站俟
大兵凱旋撤回各驛又於大同右玉雲西三處安設兵臺
每臺派千總一員跟役二名把總一員跟役一名半年一
換專遞殺虎口一路經由報章將右玉左雲等六處塘站
歸於朔平同知大同一處塘站歸於大同通判各分管稽
查其臺弁大同鎮委員總理稽查雍正十年爲站遠難以
馳送等事於陽和東三十里舖添設兵臺一處另派千把
二員將陽和城原安兵臺千把移於王官人屯

太原府

陽曲縣臨汾驛設馬騾一百六匹頭馬夫五十三名歲支
銀三千二百五兩四錢四分

山西通志 卷五十一
臨汾遞運所設夫二百一名雍正三年十月奉文裁二十一名實存一百八十名歲支銀一千七百九十五兩六錢六分三釐零

成晉驛設馬騾三十三匹頭馬夫一十六名半歲支銀八百九十一兩

成晉廠設夫五十名雍正十年六月奉文裁二十名存三十名歲支銀二百九十二兩二分零

凌井驛設馬騾一十二匹頭馬夫六名歲支銀三百二十四兩廠夫二十名雍正十年六月奉文全裁

榆次縣鳴謙驛設馬騾七十九匹頭馬夫三十九名半歲支銀二千三百八十八兩九錢六分

鳴謙廠設夫九十名歲支銀八百九十五兩二錢七分二

釐零

祁縣賈令驛設馬騾七十匹頭馬夫三十五名歲支銀二千一百一十六兩八錢

賈令廠設夫九十名歲支銀九百一兩四分六釐零

盤陀驛設馬騾二十四匹頭馬夫一十名歲支銀五百四十兩

盤陀遞運所設夫六十名雍正十年六月奉文裁二十五名實存夫三十五名歲支銀三百三兩三錢一分一釐零

徐溝縣同戈驛設馬騾五十七匹頭馬夫二十八名半歲支銀一千七百二十三兩六錢八分

太谷縣協濟馬四匹馬夫二名歲支銀一百二十兩九錢

六分

清源縣協濟馬騾二十四頭馬夫五名歲支銀三百二兩四錢

交城縣協濟馬騾七匹頭馬夫三名半歲支銀二百一十一兩六錢八分

文水縣協濟馬騾一十一匹頭馬夫五名半歲支銀三百三十二兩六錢四分

同戈遞運所設夫一百八十名歲支銀一千六百二十八兩二錢七分三釐零

岢嵐州永寧驛設馬騾一十五匹頭馬夫七名半歲支銀四百五兩廠夫二十名雍正十年六月奉文全裁

平陽府

臨汾縣建雄驛設馬騾五十五匹頭馬夫二十七名半歲

支銀一千六百六十三兩二錢

襄陵縣協濟馬騾二十七匹頭馬夫一十三名半歲支銀八百一十六兩四錢八分

建雄遞運所設夫九十名歲支銀一千七十五兩六錢一分二釐零

洪洞縣普潤驛設馬騾七十二匹頭馬夫三十六名歲支銀二千一百七十七兩二錢八分

普潤廠設夫九十名歲支銀一千五十八兩三錢五分三釐

太平縣史村廠設夫九十名歲支銀一千二百六十七兩三錢二分五釐零

曲沃縣蒙城驛并翼城絳州協濟設馬騾七十九匹頭馬夫三十九名半歲支銀二千三百八十八兩九錢六分

侯馬驛設馬騾七十九匹頭馬夫三十九名半歲支銀二千三百八十八兩九錢六分

侯馬遞運所設夫九十名歲支銀一千一百七十一兩六錢二分二釐零

靈石縣瑞石驛設馬騾七十九匹頭馬夫三十九名半歲支銀二千三百八十八兩九錢六分

瑞石遞運所設夫九十名歲支銀一千一百六十八兩二錢一分七釐零

仁義廠設夫九十名歲支銀一千三十一兩八錢五分四釐零

汾西縣仁義驛并浮山岳陽隰州鄉寧協濟馬騾七十九匹頭馬夫三十九名半歲支銀二千三百八十八兩九錢六分

霍州霍山驛設馬騾三十八匹頭馬夫一十九名歲支銀一千一百四十九兩一錢二分

趙城縣協濟馬騾四十一匹頭馬夫二十名半歲支銀一千二百三十九兩八錢四分

霍山遞運所設夫九十名歲支銀九百五十三兩三錢七分二釐零

潞安府

長子縣漳澤驛設馬騾二十五匹頭馬夫一十二名半歲支銀六百七十五兩

山西通志 卷五十一
固益遞運所設夫五十名雍正十年六月奉文裁十五名
實存夫三十五名歲支銀二百三十一兩三錢七分九
釐零

屯留縣余吾驛設馬騾二十五匹頭馬夫一十二名半歲
支銀六百七十五兩

余吾遞運所設夫五十名雍正十年六月奉文裁十五名
實存夫三十五名歲支銀二百六十二兩四錢四分八

釐零

襄垣縣褙亭驛設馬騾二十五匹頭馬夫一十二名半歲
支銀六百七十五兩

褙亭遞運所設夫六十名雍正十年六月奉文裁夫二十
五名實存夫三十五名歲支銀二百六十一兩二分二

釐零

汾州府

汾陽縣汾陽驛設馬騾三十匹頭馬夫一十五名歲支銀
八百一十兩廠夫二十名歲支銀一百四十四兩

平遙縣洪善驛設馬騾七十九匹頭馬夫三十九名半歲
支銀二千三百八十八兩九錢六分

洪善廠設夫九十名歲支銀一千二百二兩三錢九分八
釐零

介休縣義棠驛設馬騾七十九匹頭馬夫三十九名半歲
支銀二千三百八十八兩九錢六分

義棠廠設夫九十名歲支銀一千一百二十三兩五錢九
分一釐零

永寧州玉亭驛設馬騾一十五匹頭馬夫七名半歲支銀四百五兩

青龍渡廠夫二十名雍正十年六月奉文全裁

吳城驛設馬騾一十五匹頭馬夫七名半歲支銀四百五兩

青龍驛設馬騾一十五匹頭馬夫七名半歲支銀四百五兩

大同府

大同縣甕城驛設馬四十匹馬夫二十名歲支銀一千八十兩

廠設夫二十名歲支銀二百七十三兩

大同軍站設馬七十匹馬夫三十五名歲支銀二千一百

一十六兩八錢

廠設夫三十名歲支銀二百九十九兩二錢七分七釐零

聚樂驛設馬七十匹馬夫三十五名歲支銀二千一百一

十六兩八錢

廠設夫二十名歲支銀一百九十九兩五錢一分八釐零

懷仁縣西安驛設馬三十五匹馬夫一十七名半歲支銀

九百四十五兩

廠設夫二十名歲支銀一百九十八兩一錢四分二釐零

山陰縣山陰驛設馬二十五匹馬夫一十二名半歲支銀

六百七十五兩

廠設夫二十名歲支銀二百六十八兩七錢六分九釐零

應州安銀子驛設馬三十六匹馬夫一十八名歲支銀九

山西通志 卷五十一 六

百七十二兩
廠設夫二十名歲支銀一百九十八兩七錢八分五釐零
渾源州上盤驛設馬一十八匹馬夫九名歲支銀四百八
十六兩廠夫二十名雍正十年六月奉文全裁
靈邱縣太白驛設馬三十四匹馬夫一十七名歲支銀九
百一十八兩廠夫二十名雍正十年六月奉文全裁
廣靈縣馬廠設馬二十匹馬夫十名歲支銀五百四十兩
廠夫二十名雍正十年六月奉文全裁
廣昌縣香山倒馬二驛設馬四十一匹馬夫二十名半歲
支銀一千一百七兩廠夫二十名雍正十年六月奉文
全裁
陽高縣陽和軍站設馬七十四匹馬夫三十五名歲支銀二

千一百一十六兩八錢

廠設夫二十名歲支銀一百九十九兩五錢一分八釐零

天鎮縣天城軍站設馬七十匹馬夫三十五名歲支銀二

千一百一十六兩八錢

廠設夫二十名歲支銀一百九十九兩五錢一分八釐零

朔平府

右玉縣右玉軍站設馬七十匹馬夫三十五名歲支銀二

千一百一十六兩八錢

廠設夫二十名歲支銀一百九十九兩五錢一分八釐零

威遠軍站設馬三十六匹馬夫一十八名歲支銀九百七

十二兩廠夫二十名雍正十年六月奉文全裁

馬邑縣廣武驛設馬三十四匹馬夫一十七名歲支銀九

百一十八兩

廠設夫二十名歲支銀一百三十二兩四錢六分一釐零
朔州廠設夫二十名歲支銀一百九十九兩三錢三分零
左雲縣左雲軍站設馬七十匹馬夫三十五名歲支銀二
千一百一十六兩八錢

廠設夫二十名歲支銀一百九十九兩五錢一分八釐零
高山軍站設馬七十匹馬夫三十五名歲支銀二千一百
一十六兩八錢

廠設夫二十名歲支銀一百九十九兩五錢一分八釐零
平魯縣平魯軍站設馬三十五匹馬夫一十七名歲支銀
九百三十九兩六錢廠夫二十名雍正十年六月奉文
全裁

井坪軍站設馬二十一匹馬夫一十名歲支銀五百六十
一兩六錢廠夫二十名雍正十年六月奉文全裁

寧武府

寧武縣寧武邊站設馬三十匹馬夫一十五名歲支銀七
百一十六兩九錢六分零

廠設夫一十六名歲支銀一百五十八兩五錢六分三釐
零

寧化邊站設馬二十四匹馬夫九名半歲支銀四百六十三
兩八錢七分零廠夫一十六名雍正十年六月奉文全
裁

偏關縣偏頭邊站設馬三十匹馬夫一十五名歲支銀七
百一十六兩八錢九分零

山西通志 卷五十一
廠設夫一十六名雍正十年六月奉文裁八名實存夫八
名歲支銀四十七兩二錢一分七釐零

水泉邊站設馬二十匹馬夫一十名歲支銀四百八十兩

老營邊站設馬二十匹馬夫一十名歲支銀四百七十九

兩九錢九分九釐零

廠設夫一十六名雍正十年六月奉文裁八名實存夫八

名歲支銀四十七兩二錢一分七釐零

神池縣神池邊站設馬二十九匹馬夫一十四名歲支銀

六百九十兩六錢

利民邊站設馬二十四匹馬夫一十名歲支銀四百七十九

兩九錢九分九釐零

八角邊站設馬二十四匹馬夫一十名歲支銀四百七十九

兩九錢九分九釐零

五寨縣五寨邊站設馬二十四匹馬夫一十名歲支銀四百

七十九兩九錢九分九釐零

三岔邊站設馬二十四匹馬夫一十名歲支銀四百八十兩

澤州府

鳳臺縣太行驛設馬騾二十五匹頭馬夫一十二名半歲

支銀六百七十五兩

太行遞運所設夫六十名雍正十年六月奉文裁二十五

名實存夫三十五名歲支銀二百五十八兩五錢一分

九釐零

星軺驛設馬騾三十匹頭馬夫一十五名歲支銀八百一

十兩

星軺遞運所設夫五十名雍正十年六月奉文裁三十五名實存夫十五名歲支銀一百九兩四錢一分九釐零
 高平縣長平驛設馬騾二十五匹頭馬夫一十二名半歲支銀六百七十五兩

長平遞運所設夫六十名雍正十年六月奉文裁二十五名實存夫三十五名歲支銀二百四十八兩八錢三釐零

喬村驛設馬騾二十五匹頭馬夫一十二名半歲支銀六百七十五兩

蒲州府

永濟縣河東驛設馬騾六十二匹頭馬夫三十一名歲支銀一千八百七十四兩八錢八分

榮河縣協濟馬騾一十二匹頭馬夫六名歲支銀二百六十二兩八錢八分

平陸縣協濟馬騾五匹頭馬夫二名半歲支銀一百五十一兩二錢

芮城縣協濟馬一匹馬夫半名歲支銀三十兩二錢四分

河東遞運所設夫九十名歲支銀一千一百六十三兩一錢八分三釐零

臨晉縣樊橋驛設馬騾五十三匹頭馬夫二十六名半歲支銀一千六百二兩七錢二分

樊橋廠設夫六十名歲支銀七百五十兩八錢七分二釐零
 虞鄉縣分管樊橋驛馬二十六匹夫十三名歲支銀七百

八十六兩二錢四分廠夫三十名歲支銀三百七十五兩四錢三分六釐零

遼州

遼州南關驛設馬二十匹馬夫十名歲支銀五百四十兩

沁州

沁州沁陽驛設馬一十五匹馬夫七名半歲支銀四百五

兩

沁源縣協濟馬一十匹馬夫五名歲支銀二百七十兩

武鄉縣權店驛設馬二十五匹馬夫一十二名半歲支銀

六百七十五兩

權店遞運所設夫六十名雍正十年六月奉文裁二十五名實存夫三十五名歲支銀三百七十九兩八分四釐

零

平定州

平定州平潭驛設馬騾七十九匹頭馬夫三十九名半歲

支銀二千三百八十八兩九錢六分

平潭廠設夫九十名歲支銀八百九十五兩二錢二分一

釐零

甘桃舖驛雍正九年添設馬六十匹馬夫三十名歲支銀

一千八百一十四兩四錢

壽陽縣太安驛設馬騾七十九匹頭馬夫三十九名半歲

支銀二千三百八十八兩九錢六分

太安廠設夫九十名歲支銀九百三十七兩一錢二分七

釐零

壽陽縣壽陽驛雍正十年添設馬六十匹馬夫三十名卽於太安芹泉平潭栢井四驛內均撥

孟縣芹泉驛設馬騾七十九匹頭馬夫三十九名半歲支

銀二千三百八十八兩九錢六分

芹泉廠設夫九十名歲支銀八百七十三兩八錢九分五

釐零

樂平縣栢井驛設馬騾九十一匹頭馬夫四十五名半歲

支銀二千七百五十一兩八錢四分

栢井廠設夫九十名歲支銀八百九十四兩四錢二分四

釐零

忻州

忻州九原驛設馬騾四十四匹頭馬夫二十名歲支銀一千

八十兩

九原遞運所設夫五十名雍正十年六月奉文裁二十名

實存夫三十名歲支銀二百七十二兩二錢八分三釐

零

靜樂縣康家會驛設馬騾一十二匹頭馬夫六名歲支銀

三百二十四兩廠夫二十名雍正十年六月奉文全裁

代州

代州鴈門驛設馬騾四十七匹頭馬夫二十三名半歲支

銀一千二百六十九兩

鴈門遞運所設夫五十名雍正十年六月奉文裁二十名

實存夫三十名歲支銀二百九十七兩三錢五釐零

廣武邊站設馬四十五匹馬夫二十二名半歲支銀九百

三十六兩五錢四分五釐零

廠設夫三十三名歲支銀三百二十一兩五錢零

繁峙縣砂澗驛設馬騾三十二匹頭馬夫一十六名歲支

銀八百六十四兩

三泉廠設夫二十八名歲支銀一百六十五兩二錢五分

分九釐零

平刑驛設馬三十五匹頭馬夫一十七名半歲支銀七百

二十二兩九錢五分九釐零

崞縣原平驛設馬騾四十五匹頭馬夫二十二名半歲支

銀一千二百一十五兩

原平廠設夫五十名雍正十年六月奉文裁二十名實存

夫三十名歲支銀二百一十五兩四分二釐零

開塗驛設馬騾二十匹頭馬夫一十名歲支銀五百四十

兩

解州

安邑縣泓芝驛設馬騾七十九匹頭馬夫三十九名半歲

支銀二千三百八十八兩九錢六分

泓芝廠設夫九十名歲支銀一千一百三十五兩八錢二

分六釐零

清河遞運所設夫五十名雍正十年六月奉文全裁

絳州

聞喜縣涑川驛設馬騾五十四匹頭馬夫二十七名歲支

銀一千六百三十二兩九錢六分

稷山縣協濟馬七匹馬夫三名半歲支銀二百一十一兩

六錢八分

絳縣協濟馬騾一十八匹頭馬夫九名歲支銀五百四十

四兩三錢二分

涑川廠設夫九十名歲支銀一千一百七十一兩六錢二

分二釐零

舊塘站

保德州經管東關正站馬三十匹

年延村腰站馬二十匹

河曲縣經管沙泉正站馬三十匹

李家溝腰站馬二十匹

五寨縣經管三岔堡正站馬三十匹

內有本站馬二十匹抽撥舊塘站止有十

匹

神池縣經管該縣城正站馬三十匹

內有本站馬二十九匹抽撥舊塘站止有

匹

義井村腰站馬二十匹

朔州經管該州城正站馬三十匹

青圪塔腰站馬二十匹

山陰縣經管岱岳正站馬三十匹

懷仁縣經管商家庄腰站馬二十匹

新塘站

枳兒嶺馬四十匹

天城城馬四十匹

陽和東三十里舖馬四十匹

陽和城馬四十匹

王官人屯馬四十匹

聚樂城馬四十匹

大同東三十里舖馬四十匹

大同城馬四十匹

綉女村馬四十匹

懷仁縣馬四十匹

薛家庄馬四十匹

鹽豐營馬四十匹

岱岳站馬四十匹

上西河村馬四十匹

馬邑縣馬四十匹

朔州馬四十匹

梨園頭馬四十匹

大水口馬四十匹

神池堡馬四十匹

義井村馬四十匹

仁義村馬四十匹

三岔堡馬四十匹

韓家樓馬四十匹

李家溝馬四十匹

沙泉站馬四十匹

紅崖頭小腰站馬二十匹

年延村馬四十匹

保德州馬四十匹

大同府分路至殺虎口添設腰站七處

大同城腰站馬三十匹

雲岡腰站馬三十匹

高山城腰站馬三十匹

雲西腰站馬三十匹

左雲縣腰站馬三十匹

牛心山腰站馬三十匹

右玉縣腰站馬三十匹

附歷代馬政

錄其切於晉疆者

漢志太原郡有家馬官

臣瓚曰漢有家馬廄一廄萬匹時以邊表有事故故分來在此家馬

後改曰

桐馬也

元鼎元年令民得畜邊縣孟康曰令得畜牧於邊縣官假馬母三歲而

歸及息什一以除告緡用充入新秦中

李奇曰邊有官馬今令民能畜官母

馬者滿三歲歸之十母馬還官一駒此為息什一也師古曰官得母馬之息以給用度得充實秦中人故除告緡

之令也

太僕有牧師諸苑三十六所分布北邊西邊以郎為苑監

官奴婢三萬人養馬三十萬匹魏置牧官都尉晉因之後

齊有左右牝牡駝牛羊等署令後周曰典牝典牡上士中

士又有典駝典羊典牛中士隋曰典牧署牛羊署令丞唐

初因之分曰牧監置監副監丞主簿

後魏太武幸稠陽驅野馬於雲中置野馬苑

太武帝平統萬定隴右以河西水草善表為牧地六畜滋

息馬三百餘萬匹駝駝將半之羊則無數孝文遷洛陽復

以河陽為牧場恒置戎馬十萬匹以擬軍警之備每歲自

河西徙牧於并州以漸南轉欲其習水土而無死傷也

太和遷洛敕後軍將軍宇文福檢行牧馬之所福規石濟

以西河內以東距黃河南北千里為牧地魏齊時馬場是

也及徙代移雜畜於牧所將養竝無損耗高祖嘉之黃河南北

千里則澤潞南亦有牧地矣

延昌二年二月以苑牧之地賜代遷民無田者

北齊忻代二牧悉是細馬合數萬匹

唐貞觀初從赤岸澤徙牧牝三千匹於隴右十五年始令

太僕少卿張萬歲勾當羣牧至麟德四十年間馬至七十

萬六千匹置八坊以八使領四十八監跨蘭會秦原四州

之地猶為狹隘更析八監布於河曲其時天下以一縑易

一馬儀鳳三年置檢校隴右諸牧監使凡馬五千為上監

三千為中監餘為下監監皆有左右因地為之名嵐州監

牧使三儀鳳後置樓煩監元池監天池監

唐志憲州舊樓煩監牧也先隸隴右節度使至德後屬內

飛龍使舊樓煩監牧嵐州刺史兼領貞觀十五年楊鉢為

監牧使遂專領監司不係州司龍紀元年後置憲州於樓

煩監仍置樓煩縣郡城開元四年王毛仲築

元和十二年伐蔡又命中使以絹二萬市馬河曲

宋王嗣宗議汾州地涼接樓煩諸監請就牧放從之

景德二年改諸州牧龍坊悉為監

置提點馬監府州置馬監主簿

河東則太原監與高陽正定大名定州號五監而大名廣

平等列河南北又為十四監皆季春出就放牧至秋冬而入諸坊監地總

四萬九千四百餘頃諸班諸軍又三萬九百九十頃坊監及諸軍馬總二十餘萬諸坊廩皆有涼棚井泉所屬縣令檢校之

治平四年十一月置馬監於河東交城縣

熙寧初羣牧司請於河北河東陝西都總管治所各置一監以便給軍乃遣官下諸路詳度既又以知太原唐介之請發沙苑馬五百置監於交城

熙寧五年廢太原監

至八年盡廢河南北諸監惟存沙苑一監至元豐二年收廢監和錢遂至

百十
六萬

元祐初議興廢監詔庫部郎中郭茂恂相視陝西河東所當置監又下河北陝西按行河渭并晉之間牧田以聞時已罷保甲教騎兵而還戶馬於民左司諫王巖叟又上疏

極言其事於是諸監皆復

天聖中詔府州岢嵐軍自今省馬三歲四歲者不以等第五歲已上十二歲已下骨格良善行者悉許綱送估馬司餘非上京省馬並送并州揀馬司

慶曆五年出內藏庫絹二十萬市馬於鄜州岢嵐軍

嘉祐元年詔三司出絹三萬市馬於府州以給河東軍

熙寧八年岢嵐火山軍所產馬以敵境沿邊人多盜馬越

界趨利罷之

元豐二年正月罷

元豐六年提舉河東路保甲王崇極言請令本路保甲十分取二以教騎戰每官給二十五千令市一千限以五千當得馬六千九百十有八匹為緡錢十七萬二千九百有五十詔以京東鹽息錢給之仍以五年為限令崇極月上

所買數

七年京東西行保馬法

熙寧八年河北察訪使曾孝寬言慶曆中嘗詔河北民戶以物力養馬備非時官買乞參考申行之戶馬法始此至元豐三年王拱辰請詔開封府界京東西河北陝西河東路州縣戶各計資產市馬坊郭家產及三千緡鄉村五千緡若坊郭鄉村通及三千緡以上者各養一馬增倍者馬亦如之至三匹止馬以四尺三寸以上齒以八歲以下為斷齒及十五歲則更市如初提舉司籍記之於是諸道各以其數來上而河東路三百六十六視諸道為減少焉若永興路一千五百四十六則河中解戶馬其數滋多矣已而西方用兵頗調戶馬給戰騎七年六月遂詔河東鄜延環慶路各發戶馬二千以給正兵河東就給本路既配兵

後不復補

陝西河東立社更相助錢以市馬熙寧初詔河北騎軍行其法

慶曆六年詔陝西河東社馬死者本營鬻錢以助馬直治平元年河東陝西廣銳蕃落闕馬復置社買一馬官給錢三十千久之馬不至乃增置如慶曆詔書第三等三千五千第四等二十八千

景祐中禮部侍郎宋祁請弛陝西河東馬禁

慶曆四年詔陝西河北河東闕馬軍士填五分餘路填四分至元和年詔軍士戍陝西河東河北填七分餘路填六分

金西京羣牧十二

幹獨椀羣牧

大定四年改為幹觀只羣牧

蒲速

山西通志

卷五十一

耶魯碗羣牧

訛里都羣牧

幹羣牧

本幹觀只地大定七年分置

烏展羣牧

特滿羣牧

駝都羣牧

訛魯都羣牧

忒恩羣牧

承安四年創置

蒲鮮羣

牧

承安四年創置

忒滿所

在撫州

幹觀只所

在撫州 以上二所近西京胥世宗置

蒲速碗所

二所本幹觀只地大定七年分置承安三年改板底因烏魯古

甌里本所

承安三年改烏鮮烏魯古言滋息也 以上三所在西京北

合魯碗所

耶盧碗所

以上二所在臨潢泰州境距西京遠

定制河東馬歲給五月

六年三月癸巳詔內地諸猛安赴山後牧馬俟秋竝發

明昌五年散驟馬令中都西京河北東西路驗民物力分

畜之又令他路民養馬者斃則於前四路給換若欲用則

悉以送官

元牧地一十四道

一塔刺木連等處御位下

雲內州

拙里牙赤昌罕

雲內州今喇嘛彎東南地

元初太原歲飼諸王駝馬一萬四千匹成宗時河東山西

廉訪使程思廉為請止飼千匹

明初設行太僕寺主山西馬政以少卿一員領之尋改為

卿有寺丞有主簿

弘治十七年四月十四日命行太僕寺照太僕寺點閘京

營馬匹事例每年二次徧歷衛所營堡點閘騎操馬匹

秋青草每歲四月至十月止各軍不支馬草自行收放仍納青草一百八十束入官備用尋因草多浥腐者每束折銀一分五釐每年徵銀二兩七錢春班於八月中上納秋班與在衛所常備十一月上納俱該守備官追併厥後減追每名納草四十束後又復減半自正德十一年止除守墩旗軍與夜不收并守鋪軍人免納外其餘一應差占俱不減免各府州縣民壯每名該納秋青草四十束每束折銀三分共納銀一兩二錢

山西通志卷第五十六

